

爾雅義疏

釋言
三冊



爾雅郭注義疏上之二

棲霞郝懿行學

釋言第二 言者說文云直言曰言釋名云言宜也宜

舉古人之語而以今語釋之也言之為言衍也約取

常行之字而以異義釋之也言即字也釋言即解字

也古以一字為一言此篇所釋皆單文起義多不過

二三言與釋詁之篇動連十餘文而為一義者殊焉

故次 釋言

殷齊中也 書曰以殷仲春釋地曰齊州以南

上篇首言始末言終此篇首言中亦末言終蓋以中

統始終之義而包上下之詞也中者玉篇云半也半

者適均故考工記弓人注中猶均也均者平和故說

文云中和也和者在其間故喪服小記注中猶閒也

儒行注中中閒中則正正亦長故墨子經上篇云中
同長也是皆以引伸為義矣殷者周禮大行人云殷
相聘也掌客云殷膳大牢鄭注竝云殷中也書堯典
馬鄭注同廣雅云叛正也正亦中以殷仲秋史記五
帝紀作以正中秋是中正義同中之言眾也居中
應四方有以寡御眾之意故殷又訓眾也盛也大也
多也皆從中正之義而生也通作隱詩殷其雷之殷
音隱如有隱憂韓詩作殷易象釋文殷京本作隱皆
其證矣齊者平也等也皆也同也又整齊也五者實
一義皆無長短高下之差故為中也易繫辭集解引
王肅曰齊猶正也正即中之訓故詩人之齊聖箋訓
齊為中正書天齊于民馬融注齊中也列子黃帝篇
云不知斯齊國幾千里湯問篇云猶齊州也張湛注
竝云齊中也周穆王篇云四海之齊謂四海之中也
亦齊為中之證

斯謠離也

齊陳曰斯謠見詩

離者玉篇云散也去也兩也判也曲禮云離坐離立
鄭注離兩也廣雅云離分也兩判去散其義皆爲分
也離與蠡音義同方言云蠡分也楚曰蠡秦晉曰離
又與劓同荀子賦篇注蠡與劓同蠡兮分判貌是矣
斯者說文云析也引詩斧以斯之書有斯明享鄭注
斯析也廣雅云斯分也分析義皆爲離故詩墓門釋
文及正義引孫炎曰斯析之離方言云斯離也齊陳
曰斯是郭所本通作廡廣雅云廡散也史記河渠書
云乃廡二渠以引其河集解引漢書音義云廡分也
又通作廡方言云廡散也又與參同方言云參分也
按參之言三也夜參半卽夜分年矣諺者說文云離
別也周景王作洛陽諺臺按該臺猶離宮別館也郭
云諺見詩者邢疏引巷伯云哆兮侈兮說文云哆張
口也張開與分離義近又與侈近說文侈落也落有
離意故吳語云民人離落又與坼近說
文坼裂也廣雅坼分也分落義皆爲離

謾興起也

禮記曰
尸謾

釋言

起者說文云能立也釋名云起啓也啓一舉體也禮
孔子閒居注起猶行也史記樂書正義云起動也行
動皆從起義而生也謬者牲牲少牢饋食俱云尸謬
列子黃帝篇云則未嘗見舟而謬操之者也鄭注及
張湛注竝云謬起也通作休少牢饋食及士虞禮注
竝云古文謬或作休又與愔同詩不我能愔傳愔興
也說文愔起也愔謬聲近愔休聲轉其義俱同矣興
者動也作也發也舉也皆起之義也與廡同周禮注
廡興也興
廡聲轉

還復返也

皆迴返也

返者說文云還也引商書曰祖甲返又引春秋傳作
返通作反儀禮注反還也詩倚嗟箋及執競傳竝云
反復也岷箋及說文云反覆也覆復聲同其義亦近
也還者說文云復也越語注反也詩還而不入箋還
行反也通作環又通作旋周旋亦反復之義也復者
說文云往來也又云夏行故道也夏復音義同易雜

卦云復反也詩黃鳥及我行其野箋傳竝同又通作反特性饋會禮注今文復爲反葢反復一聲之轉故

其字通

宣徇徧也

皆周徧也

徧者說文云而也易象傳云莫益之徧辭也虞翻注徧周匝也俗作遍通作辨又作辨廣雅云辨徧也樂

記注辨徧也書徧于羣神史記五帝紀作辨於羣神鄉飲酒禮衆賓辨有脯醢有司徹云若是以辨鄭注

竝云今文辨皆作徧又轉爲徧玉藻注必先徧嘗之釋文徧本又作徧徧聲相轉也宣者詩內宣字傳

箋俱訓爲徧逸周書諡法篇云聖善周聞曰宣亦以宣爲周徧也詩恆之租稭傳恆徧也釋文恆古鄧反

本又作互按互爲極之古文其義訓竟而音爲古鄧極从恆聲恆訓長久皆與周徧義近故其義同矣徇

者旬之段音也說文云旬徧也十日爲旬詩來旬來宣傳旬徧也通作徇史記五帝紀云幼而徇齊索隱

駟遽傳也

皆傳車駟馬之名

引爾雅以徇爲周徧也。徇說文作徇，爾雅釋文徇木又作徇，又通作徇。釋文徇樊本作徇，郭音巡。張指字詰云徇，今巡按說文徇行示也。行示與周徧義亦近。故一切經音義一引三蒼云徇徧也。左氏桓十二年傳三巡數之，杜預注巡徧也。又通作徇。下文云徇均也。均徧義同。故詩桑柔正義引李巡曰：徇徧之均也。

說文云傳遽也。遽傳也。互相訓。古以傳遽竝稱。故周禮行人云：掌邦國傳遽之小事。鄭注傳遽若今時乘傳騎驛而使者也。玉藻云：士曰傳遽之臣。鄭注傳遽以車馬給使者也。詩江漢釋文以車曰傳，以馬曰遽。故左氏僖卅三年傳：且使遽告於鄭成。五年傳：晉侯以傳召伯宗，則知召伯宗必以車告於鄭，必以馬矣。蓋傳之爲言轉也。以車展轉而期於早達也。遽之爲言急也。以馬急促而期於速到也。後世驛傳起於此矣。駟者說文云傳也。驛置騎也。騎跨馬也。是驛駟義別俗或通用。故左氏文十六年正義引爾雅作驛傳。

又引舍人曰驛尊者之傳也驛皆當作駟釋文反音可證舍人之意蓋據傳云楚子乘駟又云子產乘遽故知尊者乘駟卑者乘遽也左氏昭二年釋文及正義竝引孫炎云傳車驛馬也郭注本孫炎今爾雅注驛又誤作駟矣釋文駟而實反郭音義云本或作遷聲類云亦駟字同

蒙荒奄也 奄奄覆也 皆見詩

奄者說文云覆也詩奄有下國奄有龜蒙箋竝以為覆通作揜說文揜一曰覆也又通作弁下文云弁蓋也蓋亦覆故廣雅云弁覆也又通作掩文選懷舊賦注引埤蒼曰掩覆也晉語及吳語注竝云掩蓋也方音云掩覆也蔓亦覆蓋之意矣蒙者冢之段音也說文云冢覆也通作蒙詩君子偕老傳蒙覆也按葛生蒙楚蒙棘皆以蒙為覆也又通作幪或作幪說文幪蓋衣也法言吾子篇云然後知夏屋之為幪幪也李軌注幪幪蓋覆也又轉為一說文云一覆也按一與冢幪幪帶竝字異而義同一蒙又一聲之轉也荒者

與奄竝訓大也大與覆義相成說文云荒艸掩地也
掩卽覆蓋書惟荒度土功詩葛藟荒之毛鄭竝云荒
奄也皇矣及公劉正義引孫炎曰荒大之奄也通作
撫說文云撫覆也詩遂荒大東郭注釋詁引作遂撫
大東禮投壺云母撫母敖大戴禮
作無荒無傲荒撫亦一聲之轉

告謁請也

皆求請也

請謁告也已見釋詁
告謁又爲請轉相訓

肅雍聲也

詩曰肅雍和鳴

經典言肅雍者多矣此言其聲耳詩鴻雁傳肅肅羽
聲也揚羽傳肅肅揚羽聲也是皆重文若單文亦爲
聲禮祭義云肅然必有聞乎其容聲史記孝武紀云
神君來則風肅然是皆以肅爲聲也以雍爲聲者詩
匏有苦葉傳雍雍鴈聲和也雍與
雍同已詳釋詁雍雍音聲和也下

格懷來也

書曰格爾衆庶懷見詩

來格懷至也已見釋詁至卽來故格懷又爲來轉相訓來通作戾戾亦至戾來古音同也格者當作假亦作假竝詳釋詁通作格方言格來也又通作格詩神係是格中庸云神之格思繼衣云則民有格心大學云致知在格物傳注竝云格來也懷者方言云來自關而東或曰懷釋名云懷回也本有去意回來就已也亦言歸也來歸已也詩曷又懷止懷柔百神傳箋竝云懷來也周禮序官懷方氏學記云近者說服而遠者懷之鄭注亦云懷來也詩傳箋及學記注又云懷歸也歸亦來釋詁又云懷止也止亦至至亦來矣

眡底致也

皆見詩傳

致者說文云送詣也詣候至也然則致亦至也至致聲同字亦通矣眡者釋詁云告也玉篇引禮記日眡於鬼神亦作眡今曲禮作眡於鬼神鄭注眡致也祝告致於鬼神辭也是致告義相成故眡旣訓告又訓

致郭云見詩傳者今毛傳無或當在齊魯韓詩矣底者釋詁云止也止亦致也書乃言底可績史記夏紀作汝言致可績凡禹貢底字夏紀俱作致又數重底席鄭注亦云底致也通作者詩耆定爾功傳耆致也釋文耆毛音指文選報任少卿書注引爾雅郭璞曰底音指蓋郭氏音義之文

侈怙恃也

今江東呼母爲侈

說文云恃賴也詩蓼莪釋文引韓詩云恃負也楚辭注恃怙也恃怙互相訓也侈者說文作埒云恃也廣韻云恃土地也通作侈廣韻引爾雅一云恃事曰侈此蓋爾雅舊注故龍龕手鑑一引爾雅云恃事自侈也荀子非十二子篇云儉然侈然楊倞注侈然恃尊長之貌然則侈之爲言侈也有所憑恃而侈然自多故侈訓汰恃訓賴也郭云今江東呼母爲侈者方言云南楚瀑涯之間謂婦妣曰母侈說文則云江淮之間謂母曰媪是媪侈音義同郭意蓋俗侈以證侈之爲恃取其聲同非侈有母稱也注內侈字蓋傳寫之

譌怙者諡法及詩鴛羽傳竝云怙恃也韓詩云怙賴也賴卽恃之訓故說文依爾雅云怙恃也

律適述也

皆敘述也
方俗語耳

述者說文云循也詩日月傳及士喪禮少牢饋食禮注竝云述循也述又脩也脩循述俱一聲之轉通作術詩報我不述釋文述本亦作術文選廣絕交論注引韓詩作報我不術士喪禮注古文述皆作術按術韓詩云法也法與律其義又同矣律者釋詁云常也法也奉爲常法卽述之義故又訓述中庸注及史記律書索隱引釋名竝云律述也周禮典同注律述氣者也廣雅云律率也率循卽述也通作聿律从聿聲說文聿所以書也楚謂之聿吳謂之不律是律聿皆謂筆故釋名云筆述也詩正義引爾雅作聿述也聿卽律矣適者釋詁云自也循也循與自皆述之義也書今民將枉祗適乃文考馬融注適述也詩文王有聲箋同通作曰詩正義引爾雅作曰述也又通作聿詩適追來孝禮器引作聿追來孝適孫炎以爲古述

字讀聿故詩聿修厥德漢書
東平思王字傳作述修厥德

俞番然也

禮記曰男唯女俞
番者應也亦爲然

然者廣雅云膺也又云成也成定亦然諾之意禮大
傳注然如是也祭義注然猶而也按而猶爾也爾之
爲言猶云如是也而聲近唉今順天人謂然爲唉籀
說文云唉膺也又云諛然也方言云欸然也南楚凡
言然者曰欸欸與諛唉竝聲義同俞者然之聲也俞
與唯皆膺聲故說文云唯諾也廣雅云唯諾然也內
則云男唯女俞鄭注俞然也凡書曰俞史記五帝福
俱作曰然然俞唯俱聲相轉與吁同方言云譎𤑔瓜
吁音然也郭云皆應聲是吁亦俞矣番者釋文云古
荅字一本作荅玉篇云荅當也當亦對故鄉射禮記
及郊特牲祭義注竝云荅對也荅對當俱聲相轉當
訓應也故荅又爲膺膺亦然也通作對詩聽言則荅
新序雜事五及漢書賈
山傳俱作聽言則對

豫臚敘也

皆陳敘也

敘者說文云次第也次第其先後故釋詁云敘緒也
 有尚緒可陳述故晉語注敘述也通作序書內敘字
 史記俱作序序有更代之義故序又訓更也代也豫
 者舒也序也故釋地釋文引春秋元命包云豫之言
 序也亦通作序祭義注序或為豫鄉射禮云豫則鉤
 楹內鄭注豫讀如成周宣榭災之榭今文豫為序是
 序豫同豫榭古音又同又通作舒釋詁云舒敘也緒
 也書曰豫恆燠若史記宋世家作曰舒常奧若大戴
 禮五帝德篇云貴而不豫史記五帝紀作貴而不舒
 是舒豫音又同矣臚者玉篇云陳也韋昭注漢書及
 辨釋名竝云臚陳敘也通作摠廣雅云摠舒也史記
 司馬相如傳云摠之無窮集解引徐廣曰摠一作臚
 臚敘也又通作旅釋詁云旅陳也鄉飲酒及鄉射禮
 燕禮大射儀注竝云旅序也士冠禮注古文旅作臚
 是臚旅通旅有臚音故周禮司儀
 云皆旅摠鄭注旅讀為鴻臚之臚

爾雅卷之二 釋言

上〇一三

庶幾尚也

詩曰不尚息焉

尚者上也加也有尊高之義故釋詁云尚右也右爲嘉好之稱故尚又訓慕也願也願慕與庶幾義近故說文云尚庶幾也本爾雅爲訓也庶者下文云幸也幾者釋詁云危也危猶近也幾與覲同覲亦幸也然則庶幾爲近幸之義詩尚無爲尚可載也不尚息焉儀禮尚饗檀弓云尚行夫子之志乎哉大學云尚亦有利哉箋注竝云尚庶幾也然庶幾二字亦可單言如論語云其庶乎左傳云庶有牙乎易月幾望繫辭云或幾乎息矣義皆爲近近卽尚也故家語終記篇王肅注尚庶也庶字斷文亦其證矣

觀指示也

國語曰且觀之兵

釋名云示示也玉篇云示者語也以事告人曰示也萃嚴經音義上引蒼頡篇云示現也說文云天垂象見吉凶所以示人也通作視詩視民不忮箋視古示字也曲禮幼子常視母誑注視今之示字土昏禮記

視諸衿鑿注示之以衿繫視乃正字今文作示俗誤
行之莊子應帝王及徐无鬼篇釋文竝云示本作視
又通作寘周禮朝士注示于叢棘釋文示本或作寘
觀者見之示也考工記棗氏云以觀四國莊子大宗
師篇云以觀衆人之耳目釋文竝云觀示也按釋宮
云觀謂之闕亦所以表示於人也釋文觀施音館謝
音官二音俱通矣指者手之示也廣雅及離騷注竝
云指語也語亦示也曲禮云指使使亦示也仲尼燕
居云治國其如指諸掌而已乎
中庸云治國其如示諸掌乎

若惠順也

詩曰惠然肯來

順者釋詁云敘也緒也陳也義皆相成順者不逆也
故釋名云順循也循其理也逆理爲凶順理爲從故
特牲饋食記注順從也順從與慈愛義近故諡法云
慈和徧服曰順孟子注云順愛也通作循大射儀云
以挾順左右喂鄭注今文順爲循又通作慎禮器云
順之至也釋文順亦作慎易繫辭云慎斯術也釋文

慎一本作順皆其證矣若者釋詁云善也善者和順於道德故又訓順詩烝民及闕宮傳禮曾子問及禮器注並云若順也書之欽若及嚳咨若時史記五帝紀若俱作順通作如有司徹注今文若爲如按如若皆相似之言說文如從隨也从隨卽順亦其義也惠者釋詁云愛也惠訓愛與順訓愛同表記云節以壹惠鄭注惠猶善也惠訓善與若訓善又同矣詩終溫且惠維此惠君傳箋並云惠順也

敖
無傲也

禮記曰無
無傲慢也

敖者說文云倨也倨不遜也廣雅云傲傷也傷慢亦倨傲也通作敖詩彼交匪敖漢書五行志作匪傲匪傲又通作冪說文云冪嫗也引虞書曰若丹朱冪漢書劉向傳作母若丹朱敖今書作無若丹朱傲敖者說文云出游也从出從放按出外放游皆無拘冪之意故又訓傲釋詁云諛浪笑敖戲謔也舍人注敖意舒也詩鹿鳴傳敖遊也廣雅云敖戲也戲遊舒放俱與傲慢義近重文亦然故釋訓云敖敖傲也俗作敖

詩以敖以遊釋文敖本亦作遨莊子列禦寇篇釋文同
憯者釋詁云大也有也皆與傲慢義近故又訓傲
禮投壺云母憯母敖鄭注憯敖慢也通作憯詩亂如
此憯箋憯敖也甚敖慢無法度也又通作荒荒怠亦
傲慢故謚法云好樂
怠政曰荒餘詳釋詁

幼鞠穉也

書曰不念鞠子哀

說文云穉幼禾也方言云穉小也穉年小也通作稚
方言注穉古稚字五經文字云穉字林作稚詩植穉
菽麥說文作穉穉未麥幼者說文云少也釋名云言
生日少也曲禮云人生十年曰幼按十年者舉成數
實則十五以前通曰幼故喪服傳注子幼謂年十五
已下管子幼官篇注幼始也始穉義亦近也鞠者毓
之段音也說文毓同育云養子使作善也是育訓養
與穉義近故詩魯育恐育鞠鄭箋魯育育穉也廣雅
云毓穉也通作鬻詩鬻子之閔斯傳鬻穉也文選洞
簫賦注鬻育古字同又通作鞠鞠者下文云生也生

養義近故詩賜鴉正義引爾雅作鬻稚也而云郭璞
曰鞠一作毓證知爾雅古本作毓稚所引蓋郭音義
之文也毓鬻鞠俱聲義近而字
亦通又通作粥卽鬻字之省

逸

譽過也
書曰汝則
有逸罰

過者說文云度也玉篇云越也因度越之義又爲失
因失之義又爲誤也謬也皆展轉相生爾雅此義則
主於謬失也逸者說文云失也失兼縱也放也逃也
亾也諸義而俱名爲過故周語引書盤庚曰國之不
臧則惟余一人是有逸罰韋昭注逸過也文選荅盧
諶詩云逸珠盈椀李善注逸謂過於衆類通作佚公
羊宣十二年傳令之還師而佚晉寇何休注佚猶過
說文云佚佚民也論語微子篇作逸民又夷逸漢石
經作夷佚又通作軼廣雅云軼過也一切經音義九
云逸古文軼同又通作佚書誕淫厥佚史記魯世家
作誕淫厥佚集解引馬融注紂大淫樂其逸書淫佚
干匪彝釋文佚又作逸亦作佚又通作份書大淫佚

有辭釋文泐又作份馬本作肩云過也按肩从肩聲
與逸音近今肩作肩音私列切其音遠矣又通作淫
淫訓過度文選七發注引爾雅作淫過也淫逸聲相
轉也僇者籀文僇字說文僇過也經典僇僇通用故
詩不僇于儀禮緇衣作不僇于儀岷蕩釋文竝云僇
本又作僇又通作邈說文邈過也又通作憲說文僇
或从寒省諡法云寒過也詩不僇不僇春秋繫露作
不騫不僇疑騫卽憲字耳又通作僇文選贈士孫文
始詩注引詩作不僇不僇後漢書馬防傳注僇過也
一切經音義三云僇古文憲邈二形玉篇云僇同憲
俗

疑休戾也

戾止也疑者亦止

戾者釋詁云止也止亦定故詩傳竝云戾定也已詳
釋詁疑者戾之假借也說文戾未定也蘇解經典俱
僇作疑詩靡所止疑傳疑定也鄉射禮注疑止也士
昏禮云婦疑立于席西注疑止吟讎立自定之貌是

疑俱兼止定二義繼禮賦言其音讀則鄉飲酒禮注
疑讀如仡然從於趙盾之仡是疑鄭讀爲仡儀禮釋
文竝云疑魚乙反此音是也爾雅釋文無音蓋讀如
字非矣此不知疑乃段借耳休者釋詁云息也息亦
止詩民勞傳休
定也定卽戾矣

疾齊壯也

壯壯事謂速也齊亦疾

壯者廣雅云健也健彊與疾速義近莊子徐无鬼篇
云百工有器械之巧則壯釋文引李頤注壯猶疾也
通作莊莊訓嚴也嚴有急意故論法云兵甲亟作曰
壯亟猶急也詩君子偕老釋文莊本又作壯荀子非
十二子篇注壯或當爲莊公羊定八年傳矢箙于莊
門釋文莊本或作嚴疾者釋詁云速疾也疾有急義
亦有善義故後漢書傅毅傳注疾害也壯有盛義亦
有傷義故易大壯馬融注壯傷也壯訓傷與疾訓害
其義又同矣齊者釋詁云疾也故又爲壯詩思齊大
任傳齊莊也正義以爲釋言文內則云進退周旋

齊注亦云齊莊也緇衣云心莊則體舒注莊齊莊也諡法云執心克莊曰齊是齊有莊義莊卽壯矣

械褊急也

皆急

急者說文云褊也釋名云急及也操切之使相逮及也然則急之爲言猶汲汲矣械者心之急也械與亟音義同釋詁云亟疾也速也速疾皆急械通作戒詩我是用急鹽鐵論繇役篇作我是用戒戒卽械也又通作革文選三國名臣序贊注引蒼頡篇曰革戒也戒亦械也戒俱械字之省釋文械或音戒非矣又通作棘詩棘人樂樂兮毛傳棘急也正義引釋言文棘人崔靈恩集注作械人皆其證也褊者衣之急也賈子道術篇云包衆容易謂之裕反裕爲褊詩維是褊心按褊裕俱从衣說文別有褊字从心云褊急也然經典俱不用唯借用褊

賈賈市也

詩曰抱布賈絲

詩東門之枌正義引風俗通云市恃也養贍老少恃以不賈也說文云市買賣所之也按市兼買賣二義齊策云竊以爲君市義此以買爲市也越語云又身與之市此以賣爲市也故史詩項羽紀集解云市賈易也周禮司市注市者人之所交利皆其義也賈者說文云易財也一切經音義六引三蒼云賈易也交易物爲賈也聲轉爲買故下文云賈買也詩岷傳用下文實則買亦爲市故說文云買市也賈者說文云賈市也一曰坐賣售也白虎通云賈之爲言固也固其有用之物以待民來以求其利者也行曰商止曰賈然則居處賣貨物曰賈故逸周書命訓篇云極賞則民賈其上孔晁注賈賣也左氏桓十年傳若之何其以賈害也成二年傳欲勇者賈余餘勇杜預注並云賈買也是賈亦兼買賣二義通作沽論語云求善賈而賈諸漢石經賈作沽沽依正文當爲

扉陋隱也

禮記曰扉用席書曰揚側陋

隱者釋詁云微也說文云蔽也通作𠄎玉篇云𠄎古文隱字說文云𠄎也象𠄎曲隱蔽形讀若隱是隱𠄎同𠄎者說文云隱也土虞禮及有司微俱云𠄎用席特性饋會云𠄎用筵鄭注筵云𠄎隱也通作𠄎釋文𠄎符沸反字又作𠄎同楚辭湘君篇云隱思君兮𠄎側王逸注𠄎陋也又通作𠄎有司微注古文𠄎作𠄎按𠄎訓蔽與隱同義𠄎𠄎又一聲之轉陋者說文云𠄎陝也𠄎陝亦隱蔽之義荀子修身篇云少見曰陋通作漏詩尙不愧于屋漏鄭箋漏隱也正義云釋言文

過遼逮也

東齊曰過北燕曰遼皆相及逮

釋詁云逮與也此篇下云逮及也通作逮與隸說文並云逮及也過遼者方言七云蜎逮逮也蜎與過遼並字之段音證以易之噬嗑會相逮也噬嗑倒轉卽過遼矣玉篇云迨逕行相及也迨逕卽過遼矣左氏莊六年傳若不早圖後君噬齊噬齊卽過遼矣杜預注若齧腹齊此爲望文生義凡僭聲之字不論其

義但取其聲皆此類也過又通作曷詩曷云能穀傳
曷逮也正義云釋言文選又通作逝詩逝不古處塵
肯適我傳竝云逮也釋文
引韓詩噫作逝逝及也

征邁行也

詩曰王于出
征邁亦行

行者說文云人之步趨也从彳从辵釋名云兩腳進
日行行抗也抗足而前也按行訓步趨故去也之也
往也還也皆行之義也行由道路故釋宮云行道也
又云堂上謂之行皆緣步趨之義而生也征者說文
作迤或征云正行也通作迤云行也漢書武帝紀征
和功臣表俱作迤和顏師古曰迤亦征字也征訓行
故宵征卽宵行征夫卽行人征伐亦卽行伐也征之
言正故管子心術下篇云行者正之義也邁者說文
云遠行也故于邁卽往行時邁
卽時行邁又往也與行訓往同

記敗覆也

謂毀
覆

覆者說文云覆也覆也反覆也反覆即敗故王制云不覆巢鄭注覆敗也敗亦毀故周禮誓族氏注覆猶毀也然則覆舟覆車覆邦家其義皆為毀敗矣圯者釋詁云毀也敗亦毀也毀亦覆也淮南說林篇云蘭芝欲修而秋風敗之

荐原再也

易曰水荐至今呼重蠶為蠶

再者說文云一舉而兩也玉篇云兩也重也仍也荐者說文云薦席也席下施薦與再義近左氏襄四年傳戎狄荐居正義引服虔云荐草也孫炎云荐草生之再也按荐又訓仍也重也通作薦詩饑饉薦臻傳薦重也重即再矣原者文王世子云未有原周禮馬質云禁原蠶者淮南泰族篇云原蠶一歲再收鄭注及高誘注竝云原再也再亦重故漢書禮樂志及叔孫通傳集注竝云原重也原或作廩釋文原舍人本作廩郭義本舍人

撫救撫也

撫義見書

撫者說文云安也一日循也古文作𢇛按𠂔無古字通故撫作𢇛矣周禮大行人注撫猶安也禮文王世子注撫猶有也亦存恤之意與安義近通作拊說文拊猶也拊猶猶撫循故荀子富國篇注拊與撫同撫循慰悅之也爾雅釋訓釋文拊本亦作撫撫者方言云哀也說文云憂也竝與撫循義近一日不動與安義又近矣通作攷說文云攷撫也从𠂔聲讀與撫同又通作煤說文云煤撫也从某聲讀若侮按侮某無𠂔古俱聲同聲轉之字與今讀異也救者說文云撫也引周書曰亦未克救公功讀若弭或从人作侏周禮小祝及男巫注竝云救安也書洛誥注亦云救安也

臞臞瘠也

齊人謂瘠瘦為臞

瘠者說文作臞云瘦也大司徒注瘠臞也通作瘵說文以為臞古文也一切經音義二云瘠古文瘵瘵臞

三形又通作柴易說卦云爲瘠釋文瘠京荀作柴臞者說文云少肉也史記司馬相如傳云形容甚臞索隱引韋昭曰臞瘠也舍人曰臞瘠也文選謝靈運初去郡詩注引爾雅舊注曰臞肉之瘠也通作瘠釋文臞字又作瘠文選注臞與瘠同瘠者說文云齊人謂臞脉也玉篇云齊人謂瘠腹爲瘠按瘠腹之義玉篇當有所本今驗蛛蛟之蟲腹甚瘠瘠瘠廣雅謂之蛛蛟博物志謂之蠓蛟與臞脉瘠聲義正同臞脉雙聲瘠瘠韻也

梳頰充也

皆充盛也

充者盈也滿也盈滿則實矣故小爾雅云充塞也竟也塞竟卽肥臑故方言云充養也養卽長故說文云充長也高也高卽崇故釋詁云崇充也凡此諸義又皆爲充盛也梳者說文云充也通作充釋文梳孫作充書充被四表傳云充充本爾雅爲訓也淮南修務篇云段干木充於德寡人充於勢亦以充爲充也充

之爲言廣也廣炎聲同廣充義近故詩敬之傳充廣也水經濟水注云充里齊人言廣音與充同卽春秋所謂守之廣里者也充通作橫橫廣俱從黃聲黃从充聲古讀橫廣竝如充故樂記云號以立橫孔子聞居云以橫於天下鄭注竝云橫充也書之充被四表後漢書作橫被四表漢之橫門亦稱充門矣一切經音義十四云梳古文橫二形同音充是其證也頻者釋詁云充也充頻聲轉故其義同

屢暱亟也

親暱者亦數亟亦數也

亟者釋詁云疾也速也速亦數也言頻數也禮少儀云亟見曰朝夕吳語云而天祿亟至鄭注及韋昭注竝云亟數也方言云亟變也廣雅云亟敬也敬變亦緣亟數而生也屢者釋詁與亟俱訓疾屢婁字同故釋言釋文云婁本又作屢詩賓之初筵傳屢數也鄭箋屢亟也正月及巧言箋又云屢數也亦通作數公羊宣十二年傳注屢往來爲惡言釋文屢又作數音朔是數屢通暱者釋詁云近也暱訓親近與亟訓婁

敬義
同

靡罔無也

無者說文作𠄎云𠄎也一切經音義六引聲類云無
虛無也通作无易以无爲無說文云奇字無通於无
者虛無道也又通作𠄎古有無字俱作𠄎詩何有何
𠄎論語𠄎而爲有是也又通作母史記魯世家引書
無逸作母逸漢書車千秋傳引無偏無黨作母偏母
黨是也靡者細也小也皆與無義近又訓盡也空盡
卽虛無故詩靡日不思之厥矢靡他箋傳竝云靡無
也罔者从𠄎𠄎亦無易君子用罔馬融王肅注竝云
罔无也書罔水行舟史記夏紀作母水行舟罔有攸
赦殷紀作無有攸赦罔古讀如莽無古讀如模靡罔
無俱一聲之轉小爾雅云勿蔑微曼末沒無也今人
言無有曰沒有或曰未有亦曰靡有皆一義也蔑以
加言無以加也微管仲言無管仲也微古讀如
𠄎勿古讀如沒是勿微曼末亦靡罔之聲轉

爽差也爽忒也

皆謂用心差
錯不專一

差者說文作𠄎云貳也段氏注貳作忒按籀文𠄎从
二二謂心不一也士或二三其德所以過差也故參
差之字从二三太玄廓云或生之差范望注差過差
也爽者說文云明也从𠄎𠄎凡二爻也二不專一故
又訓差詩女也不爽其德不爽傳竝云爽差也方言
云爽過也過亦差諡法云爽傷也傷敗亦過差也書
云惟事其爽侮老子云五味令人口爽列子黃帝篇
云昏然五情爽惑竝以爽爲差也周語云實有爽德
又云言爽日反其信韋昭注竝云爽貳也依段注貳
亦貳矣爽又訓忒者忒亦差也廣異訓耳老子云常
德不忒釋文引顧云忒爽也漢書賈誼傳注爽忒也
忒說文作忒云失常也通作忒云更也更變亦失常
故詩鞫人伎忒享祀不忒傳箋竝云忒變也正義俱
引孫炎曰忒變雜不一不一卽貳貳卽差矣爾雅釋
文忒或作忒是忒忒通又通作貸易豫釋文忒京本
作貸月令云宿離不貸又云無或差貸呂覽貸俱作

忒又通作賁書云衍忒史記宋世家作衍賁又通作
貳禮緇衣引詩其儀不忒釋文忒本或作貳音二

但貳也

但次爲副貳

貳者說文云副益也周禮道僕掌貳車王制七十有
貳膳孟子館甥於貳室竝以貳爲副也貳又代也相
更代亦爲副益也但者說文云飲也飲亦次故文選
報任少卿書注引如淳曰但次也詩決拾既飲周禮
繕人注作挾拾既次飲又代也與貳同義但
之爲言猶亞也亞次也亞但之聲又相轉

劑剪齊也

南人呼剪刀爲劑刀

齊者斷也既夕記云馬不齊髦鄭注齊剪也剪斷其
義同劑者說文云齊也玉篇云剪齊也太玄永云其
命劑也范望注劑剪絕也周禮小宰云聽賣買以質
劑鄭注質劑謂兩書一札同而別之皆今之券書也
是亦取齊斷爲義也剪者說文作𦘒云齊斷也通作
剪詩實始剪商毛傳剪齊也鄭箋剪斷也莊子人閒

世篇云且幾有翦乎釋文翦崔本作前是前翦通又
通作戩說文引詩翦作戩云滅也滅亦斷絕之義故
周禮序官翦氏注翦斬滅之言也郭云南方人呼翦
刀爲劑刀者劑翦聲轉釋文劑卽隨反釋名云翦刀
翦進也所翦稍進
前也翦俗作剪

饋餼稔也

今呼餐飯爲
饋饋熟爲餼

稔者飪之段音也說文飪大熟也又軌云食飪也引
易曰軌飪今易鼎文作亨飪方言云飪熟也通作脰
聘禮記云賜饗唯羹飪鄭注古文飪作脰詩楚茨傳
亨飪之也釋文飪本又作脰又通作稔稔穀熟也釋
文稔字又作飪詩洞酌釋文引爾雅正作飪說文亦
饋餼飪三字連文可證矣饋者說文作饌或作饋饌
云脰飯也郭云餐飯者釋文引蒼頡篇云餐饋也是
餐脰同又引字書云饋一蒸米玉篇云半蒸飯洞酌
釋文引孫炎云蒸之曰饋均之曰餼然則饋者半蒸
之尙未熟故釋名云饋分也衆粒各自分也餼者說

文云飯氣蒸也詩正義引作飯氣流也蓋饅之爲言
流也飯皆烝熟則氣欲流故孫炎云均之日饅郭云
饋熟爲饅詩正義引作
飯均熟爲饅義本孫炎

媵將送也

左傳曰以媵秦穆
姬詩曰遠于將之

送者說文云遣也从併省籀文不省荀子富國篇云
送逆無禮揚倂注送致女是送以致爲義故漢書食
貨志應劭注送致也媵者併之段音也說文云併送
也引呂不韋曰有仇氏以伊尹併女通作媵後漢書
皇后紀注引孫炎曰送女曰媵按本解以送女爲媵
經典凡送亦通曰媵故易象傳云媵口說也燕禮及
大射儀云媵觚于賓鄭注竝云媵送也方言云寄物
爲媵媵寄也又云媵託也託寄亦送致之義又通作
騰燕禮注今文媵皆作騰大射儀注古文媵皆作騰
公食大夫禮云衆人騰蓋者鄭注騰當作媵易之媵
口說今作媵口說亦其證矣又通作揚檀弓云杜蕢
揚解鄭注禮揚作媵揚舉也媵送也揚近得之鄉飲

酒義及射義揚解鄭注竝云今禮揚皆作騰燕禮騰
觚鄭注又云騰讀或爲揚揚舉也然則揚騰聲轉騰
騰聲近騰揚之義又近揚舉與騰送義亦近矣將者
說文扌扶也通作將詩我將箋將猶奉也聘禮記注
將猶致也義皆爲送故詩百兩將之周禮小宰裸將
之事傳注竝云將送也詩燕燕箋將亦送也傳云將
行也行與送義相成凡送兼行而言故公羊文十五
年傳筍將而來也蓋言復輿行而送來也又凡將事
將命亦言銜命受事行而傳送之也故
詩敬之正義引孫炎曰將行之送也

作造爲也

爲者行也成也施也治也用也使也皆不出造作二
義造作爲三字竝見詩繼衣篇爲與僞古通用凡非
天性而人所造作者皆僞也僞卽爲矣作者說文云
起也起而動作卽爲之之義書凡言作史記俱訓爲
詩天作傳作生也駟傳作始也始與生亦皆爲之之
義也易離荀爽注作用也詩常武箋作行也周禮稍

人注作猶治也象胥注作使也諸義又皆爲之訓也
作與詐古通用月令注作爲爲詐僞然則詐之通作
亦猶僞之通爲作僞二字俱从人是皆人之所爲矣
造者說文云就也就猶成也成亦爲之訓也故詩小
子有造遭家不造傳竝云造爲也尙無造傳又云造
僞也僞亦爲也周禮膳夫及儀禮士冠禮記注竝云
造作也作亦爲也按玉篇爪部爲下引
爾雅曰造作爲也今本誤倒宜訂正

𩇛會也

方言云陳楚之閒相呼會爲𩇛

倉者釋名云倉殖也所以自生殖也會與飯異故少
牢饋會云尸又會鄭注或言會或言飯會大名小數
曰飯會與糧異故周禮廩人云則治其糧與其會鄭
注行道曰糧謂糲也止居曰會謂米也然則會兼乾
濡二義爾雅之會亦兼二名也𩇛者方言云會也陳
楚之內相謁而會麥饘謂之𩇛郭注饘廩也音旃是
𩇛爲濡會說文云會也則亦爲乾會矣麥饘者荀子
富國篇云夏日則與之瓜麩咖舉一切經音義十三

引字書曰楚麥甘粥也蒼頡篇云煑麥也按今人煑大麥爲粥夏日食之解暑其遺象也餼者說文云乾食也一切經音義七引字林云乾飯也飯食亦通名耳故詩伐木傳餼食也公劉釋文餼字或作煑通作糗書峙乃糗糧說文引作峙乃餼糧是餼糗通糗糗也說文糗乾也糗熬米麥也按今時碎大麥爲削芻食之謂爲芻麩卽乾餼矣釋名云餼候也候人飢者以食之也餼善止飢夏月食之又解暑

鞠究窮也

皆窮盡也見詩

窮者說文云極也小雨雅云竟也竟極聲轉義同又訓終也已也窘也困也諸義又皆爲盡也鞠者窳之段音也說文云窳窮也从窳聲窳與鞠同鞠窮理罪人也楚辭天問篇云皆歸歟鞠王逸注鞠窮也通作鞠詩谷風傳及雲漢瞻卽箋竝云鞠窮也公劉傳鞠究也究亦窮也又通作鞠爾雅釋文鞠字又作鞠詩南山及小弁傳竝云鞠窮也南山及節南山箋傳竝本釋詁云鞠盈也盈與窮亦義相成也究者詩鴻鴈

及蕩傳節南山箋竝云究窮也常棣傳究澁也澁亦窮也逸周書文酌篇云維有永究孔晁注究終也終亦窮也究又畢也盡也竟也極也皆窮之訓也究聲與九近陽窮於九故列子天瑞篇云九變者究也究鞫窮俱一

滷矜鹹苦也

滷苦地也可矜憐者亦辛苦苦即大鹹

苦者割甘而言月令云苦雨數來苦雨亦對甘雨而言也釋名云苦吐也人所吐也書炎上作苦苦聲近鹽監苦鹽也周禮鹽人云祭祀其苦鹽杜子春讀苦爲鹽是鹽苦通矣滷者說文作鹵云西方鹹地也東方謂之廣西方謂之鹵玉篇作滷云苦地也引書海濱廣滷易說卦云爲剛鹵釋名云地不生物曰鹵鹵爐也如爐火處也然則廣鹵之地不生草木其土苦惡故曰苦矣矜者釋訓憐也矜憐古音疊韻矜本作矜从令得聲令古讀如憐也矜訓苦者苦味近辛故言辛苦愁苦悲辛皆可矜憐然則苦有二義味苦

曰苦矜憐其苦亦爲苦也詩爰及矜人毛傳矜憐也
居以凶矜傳矜危也危苦義近爾雅釋文矜作齡玉
篇齡苦也按齡字非郭義蓋俗作耳鹹者說文云銜
也北方味也書潤下作鹹鹹極必苦故淮南墜形篇
云鍊苦生鹹今驗海水鹹煑鹽味苦是其證矣

干流求也

詩曰左

流覃也覃延也

皆謂蔓延

求者玉篇云用也見也索也曲禮注求猶務也檀弓
注求猶索物學記注求謂招來也穀梁定元年傳求
者請也按祈請竝訓求說文祈求福也求祈聲轉故
祈福卽求福祈雨卽求雨矣干者說文犯也犯與求
其義相反而相近故詩旱麓及假樂傳箋竝云干求
也小爾雅云干得也得又緣求而生也通作奸漢書
孔光及黃霸傳注竝云奸求也奸干俱訓犯古字通
用故左氏成十六年傳奸時以動釋文奸本或作干
是其證矣流者釋詁云擇也擇與求義近故詩關雎
傳流求也流求疊韻又流動延移亦會旁求之意故

訓求矣流又訓覃者說文云覃長味也是覃有長義
覃與尋同尋亦訓長故方言云尋長也釋文覃本又
作尋字孫叔然云古覃字同按尋卽尋字孫炎以爲
古覃字者古讀覃尋聲近釋草之蕒洗藩孫炎以爲
古薄字亦其證也然則覃尋竝訓長流有衍長之義
故又訓覃矣覃又訓延者延亦長故釋詁云延長也
郭云蔓延相被及者蓋覃有延義延移亦相被及故
詩葛覃傳覃延也施移也又流亦有移義故考工記
弓人及禮中庸注竝云流猶移也
然則流覃延三字轉相訓其義同

洮儉也

謂苟且

儉者說文作儉云薄也大司徒云以俗教安則民不
儉鄭注儉謂朝不謀夕通作儉表記云安肆日儉鄭
注儉苟且也左氏昭十年正義引孫炎亦曰儉苟且
也皆郭所本儉又單訓苟故晉語云人孰儉生韋昭
注儉苟也洮者說文云儉也引詩視民不洮通作洮
今詩作視民不洮毛傳洮儉也玉篇引爾雅亦作洮

偷也今爾雅仍作佻故左氏昭十年傳佻之謂甚矣
正義引李巡曰佻偷薄之偷也周語云而卻至佻天
之功以爲己力韋昭注佻偷也按佻猶佻也佻佻皆
輕也輕薄義近佻偷佻俱聲相轉佻通作嬈詩佻佻
公子韓詩作
嬈嬈公子

潛澗也潛澗測也

測亦水澗之別名

澗者玉篇云邃也遠也考工記梓人注澗猶藏也藏
伏卽潛之訓也潛者說文云藏也書之沈潛馬融注
潛伏也易之潛龍崔憬曰潛隱也方言云潛亾也亾
隱伏藏其義又皆爲澗故後漢書班彪傳注潛澗也
方言又云潛沈也沈亦澗也沈澗潛測俱聲相轉也
潛澗又爲測者說文云測澗所至也淮南原道篇注
度澗曰測是測兼度澗及澗所至之名考工記弓人
云漆欲測測當訓澗澗有幽澗之意也淮南說林篇
云以篙測水篙終而以水爲測測亦當訓澗故郭此
注以測爲水澗之別名是矣高誘訓測爲盡鄭注訓

測爲清
似失之

穀鞠生也

詩曰穀
則異室

生者活也說文云進也象艸木生出土上文選魏都
賦注引劉蠡易義云自無出有曰生周禮太宰注生
猶養也是生兼活也養也二義爾雅之生亦猶是矣
穀者釋詁云善也釋言云祿也善與生活義近祿與
生養義近故詩穀則異室自何能穀傳箋竝云穀生
也是皆以生活爲義也小弁蓼莪四月皆言民莫不
穀箋竝云穀養也是皆以生養爲義也穀字之訓二
義盡之今攷經傳參以爾雅穀蓋皆穀之畧俗也何
以明之說文云穀乳也人及鳥生子曰乳是乳訓生
穀訓乳左氏宣四年傳楚人謂乳穀穀卽穀字故莊
卅年傳鬪穀於菟釋文引漢書敘傳穀作穀論語公
冶長篇集解姓鬪名穀釋文穀本又作穀是穀穀通
故荀子禮論篇云臧穀猶且羞之楊倞注孺子曰穀
或曰穀讀爲鬪穀於菟之穀穀乳也然則左傳乳穀

本作乳穀故荀子注及論語集解漢書敘傳竝作穀字而左宣四年釋文缺載其穀音奴口反此讀又失也穀穀二字竝古豆反與穀音近說文穀穀穀俱从穀聲又云穀續也續亦相生之義矣鞠者上文云稗也稗養義近故詩蓼莪傳鞠養也通作育釋詁云育長也長養義皆爲生又通作毓大司徒云以毓草木晉語云怨亂毓災注竝以毓爲生也毓與鞠聲近義同故爾雅之鞠稗詩鷓鴣正義引郭璞曰鞠一作毓是毓

鞠通

啜茹也

啜者拾食

茹者說文云飮馬也玉篇云飯牛也而預而與而諸三切方言云茹食也吳越之閒凡貪飲食者謂之茹郭注今俗呼能麤食者爲茹漢書集注食菜曰茹是茹爲人食之通名說文玉篇但云飮馬飯牛義未備也證以詩言柔則茹之又禮運云茹毛孟子云茹草莊子云不茹葷竝以茹爲食也蓋雲翔爲余言今藜

陽人謂牛噉長草曰茹人噉生菜連莖葉吞之亦曰茹然則茹爲吞咽之名方言謂之貪食郭注謂之麤食其義與今俗語同矣噉者說文云嘗也釋名云噉絕也乍噉而絕於口也然則噉但訓食郭云拾食者蓋取掇拾爲義非爾雅之惜也知者左氏定四年正義引舍人曰噉茹食也是噉訓茹茹訓食趙岐孟子注以噉兼飲言亦非今閩粵人謂喫爲噉登萊人謂喫爲撮撮與噉俱噉聲之轉

茹虞度也

皆測度也詩曰不可以茹

度者釋詁云謀也度本文尺之名詩子付度之付卽寸寸度言若以尺寸量度之也左氏昭廿八年傳心能制義曰度賈子道術篇云以人自觀謂之度皆寸度之義也茹者釋詁云如謀也如茹同詩不可以茹儼狁匪茹來咨來茹傳箋竝云茹度也虞者詩有虞發自天無貳無虞傳箋竝云虞度也晉語注虞備也太玄玄瑩注虞憂也憂與備其義亦皆爲度矣

試式用也

見詩書

用者說文云可施行也方言云行也行與由同由亦用也小大由之言小大用之也一切經音義七引蒼頡篇云用以也以亦用也雖不吾以言雖不吾用也通作庸說文云庸用也書五刑五用哉後漢書梁統傳作五刑五庸哉試者說文云用也引虞書曰明試以功試又嘗也驗也其義亦皆為用故詩師干之試論語吾不試傳注竝云試用也式者說文云法也法制人所用故法庸釋詁竝訓常庸即也用也言常用也詩式微式微式夷式已傳竝云式用也秦策云式於政不式於勇高誘注亦云式用也方言云由式也然則式亦由也由亦用矣

誥誓謹也

皆所以約勤謹戒眾

謹者慎也亦通作慎詩謹爾侯度左氏襄廿二年傳作慎爾侯度謹與誠同義說文云誠敕也誠謹一聲

之轉詰者釋詰云告也荀子大略篇云詰誓不及五
帝楊倞注詰誓以言辭相誠約也漢書刑法志注詰
謹也以刑治之令謹敕也通作詰大司寇及布憲注
竝云詰謹也刑法志注詰字或作詰是詰詰通誓者
說文云約束也釋名云誓制也以拘制之也拘制約
束皆所以爲謹敕也故曲禮云約信曰誓文王世子
云曲藝皆誓之鄭注誓謹也皆使謹習其事大戴禮
子張問入官篇云故儀不正則民失誓盧辯注誓敕
也敕亦謹也大射儀注
誓猶告也是誓詰義同

競逐疆也

皆自強勉

疆者說文云弓有力也釋名云疆疆也通作強釋詰
云強動也學記云知困然後能自強也鄭注自強修
業不敢倦法言五百篇云或性或強李軌注強者習
學以至也競者說文云疆語也一日逐也从詰从二
人按二義俱本爾雅以詰故訓疆語从二人故訓逐
也詩桑柔烈文傳及抑執競箋竝云競疆也職競用

力不競不綵箋又云競逐也淮南原道及俶真篇注亦云競逐也呂覽亦職篇注競進也進亦逐也離騷篇注競並也並亦疆也通作儻又通作倥說文竝云疆也又通作僥周禮鍾師注引呂叔玉云繫遏執僥也卽執競之異文又通作竟逸周書度訓篇云揚舉力竟卽力競也史記篇云竟進爭權卽競進也水經江水注引之蓋僥省作竟非誤也今或改逸周書爲競則非矣逐者說文云追也追逐也逐與競同意故左氏昭元年傳諸侯逐進杜預注逐猶競也漢書五行志晉灼注競走日逐後漢書馮異傳注逐爭也爭亦競矣

禦園禁也

禁制

禁者說文云吉凶之忌也玉篇云止也鋼也呂覽離謂篇注禁法也淮南汜論篇注禁戒也戒與法亦止之義也禦者玉篇云禁也又當也小爾雅云抗也抗與當皆禁止之義文選西京賦云禁禦不若是禦也

禁也禦與籀同說文云籀禁苑也引春秋傳澤之自
籀籀或作𩇑按左氏昭廿年傳澤之萑蒲舟鮫守之
舟鮫卽舟𩇑之譌說文自籀亦舟籀之譌也通作御
釋文禦本或作御詩亦以御冬毛傳御禦也言御禦
同以禦亂兮大射儀注作以御亂兮又通作敵說文
云敵禁也一曰樂器釋名云敵衙也衙止也所以止
樂也一切經音義一云禦古文敵同又通作衙周禮
田僕注衙還之使不出圍釋文衙本又作御石門頌
云綏億衙疆卽禦疆也北海相景君碑云強衙改節
卽疆禦也圍者逸周書寶典篇云不圍我哉孔晁注
圍禁也諡法篇云威德剛武曰圍孔注圍禦也能禦
亂患也一切經音義九引舍人曰禦圍未有而預防
之也防亦禁止之義通作禦詩曾是疆禦漢書敘傳
作曾是疆圍不畏疆禦王莽傳作不畏疆圍孔棘我
圍鄭箋圍當作禦管子輕重甲篇云守圍之國用鹽
獨甚尹知章注圍與禦同又通作御詩我居圍卒荒
韓詩外傳作我居御卒荒又通作敵樂記注謂祝圍
也釋文圍本作敵又通作圍說文云罔圍所以拘罪

人今作囹圄玉
篇云囹圄禁囚也

室蕤塞也

謂塞孔穴

塞者窳之段借也說文云窳窳也通作塞旣夕記云
瑱塞耳鄭注塞充室詩定之方中箋及祭義注竝云
塞充滿也又通作塞說文云窳實也引虞書曰剛而
窳今書作塞中庸云不變塞焉鄭注塞猶實實與充
滿義近也按塞說文作塞云隔也與窳窳異今則同
之故玉篇云塞蘇代切隔也又蘇得切實也滿也蔽
也皆其義也室者詩七月及東山傳箋竝云室塞也
廣雅云室滿也論語云惡果敢而室者鄭注魯讀室
爲室今從古按室說文云實也實卽塞之訓也實室
室三字聲近義通一切經音義九云室古文懣同懣
訓止與塞義亦近矣蕤者說文云瘞也瘞蕤互訓義
俱爲塞故詩傳以塞爲瘞爾雅以蕤爲塞也通作狸
周禮大宗伯以狸沈祭山林川澤卽爾雅之釋天云
祭地曰瘞蕤也又通作埋詩鳧鷖箋有瘞埋之象

文埋字亦作蕤祭法云
瘞埋於泰折祭地也

黼黻彰也

黼文如斧黻文如兩已相背

說文彰文彰也廣雅云彰明也通作章書彰厥有常
史記夏紀作章其有常孝經云神明章矣釋文章本
又作彰推是而言如考工記畫纘之事云雜四時五
色之位以章之鄭注章明也周語云其飾彌章韋昭
注章著也鄭語云其子孫未嘗不章韋注章顯也凡
此皆以章爲彰也黼黻者說文云黼白與黑相次文
黻黑與青相次文本考工記爲說也而不言所象爲
何物爾雅釋器但云斧謂之黼於黻字仍無說書益
稷傳及左氏桓二年注郭氏此注竝云黻兩已相背
唯漢書韋賢傳集注紱畫爲亞文亞古弗字也與舊
說異阮雲臺師曰自古畫黻作亞形明兩弓相背非
兩已相背也兩弓相背義取于物與斧同類兩已之
已何物耶得非兩弓相沿之誤與漢書師古注黻畫
爲亞文亞古弗字殆遜黼黻躐躐此語必有師傳非

師古所創云云今按以音義推之黼从甫聲其訓爲斧黻从艾聲其訓爲弗又兩弓相竝爲弣兩弣相背爲亞似有意義釋文黼黻或作黼黻又云黻戾也戾卽弗字之意師古之說蓋有徵矣黼黻訓彰者荀子富國及禮論篇竝云黼黻文章章卽彰矣書益稷言黼黻又言彰施亦此義

鷹身親也

謂躬親

親者說文云至也祭義云其親也慤鄭注親謂身親又云如親聽命其義亦同文王世子注親猶自也公羊莊卅二年傳注親躬親也通作親說文云親至也汗簡云親出尙書是親古親字矣鷹者說文云曾也曾與躬身義近故竝訓親少儀云執箕鷹搗鄭注鷹親也通作應釋詁云應當也當與親義亦近應从心與鷹从肉其義又近也身者說文云躬也躬身互訓其義同詩云弗躬弗親呂覽孟春紀注躬親也士昏禮記注躬猶親也樂記注躬猶已也已卽身釋詁云身我也已與我皆親之之詞亦卽身訓親之義也

愷悌發也

發發行也詩曰齊子愷悌

發者廣雅云開也釋名云發撥也撥使開也開則明故詩長發釋文撥韓詩作發發明也論語亦足以發不悌不發發俱訓明發又進也行也詩履我發兮遂視既發傳箋竝云發行也爾雅之發則以開明爲義不兼行進爲義也愷悌者闔圍之段音也說文云闔開也廣雅云闔明也圍者說文引尙書曰圍圍升雲半有半無讀若驛今書漢範卽作曰驛古文本作曰圍史記集解引鄭注曰圍者色澤而亮明也是圍訓明曰圍宋世家作曰涕聲之段俗故詩齊子豈弟箋云豈讀當爲闔弟古文尙書以弟爲圍圍明也正義引舍人李巡孫炎郭璞皆云闔明發行是諸家竝以闔明訓豈弟與鄭義同唯以發爲發行則異今郭注但有發行之文而無闔明之語以校正義所引蓋有缺脫矣愷悌訓發者愷悌卽豈弟經典豈弟訓樂易此訓闔明蓋經師舊說相傳謂然故鄭箋云此豈弟猶言發夕也然則發訓明不訓行發夕猶旦夕也釋

文引韓詩云發且也且亦明也故說文引禮且明
互通爲發明詩小宛又云明發其實皆一義耳

髦士官也

取俊士
令居官

官者說文云吏事君也玉篇云宦也古微書引春秋
元命苞云官之爲言宣也周禮宰夫云掌小官之戒
令鄭注小官士也士相見禮注居官謂士以下祭法
注官師中士下士然則官爲總名也髦士者釋文云
毛中之長豪曰髦士之俊傑者俗譬爲名是髦士爲
俊選之嘉稱故下文云髦選也俊也選士俊士司馬
辨論官材論定然
後官之故曰官也

農夫也

今之嗇
夫是也

農者一切經音義引說文云農耕人也今本脫人字
春秋繁露云農者民也莊子讓王篇釋文引李頤云
農農人也爾雅之農夫則謂農官耳峻者說文云農
夫也本爾雅峻不言田省文也農不言大夫亦省文

也實則田峻是官名大夫是齋號故詩田峻至喜毛傳田峻田大夫也田大夫卽農大夫或疑爾雅農夫之閒當脫大字據周語云命農大夫咸戒農用韋昭注農大夫田峻也以此爲證今謂不然古人文字不拘故有稱農大夫者周語是也有稱農大夫者爾雅是也有稱農父者書酒誥是也亦有稱農正者周語云農正再之韋昭注農正后稷之佐田峻也亦有單稱農者郊特牲云饗農鄭注農田峻也是皆農不必稱大夫之證猶之田峻亦單稱峻爾雅此文是也亦單稱田月令云命田舍東郊鄭注田謂田峻主農之官是也是又田峻二字不必兼稱之證然則田峻卽農官故詩七月正義引孫炎曰農夫田官也郭云今之齋夫者詩甫田箋田峻司齋今之齋夫也是郭所本齋夫者漢書百官公卿表及晉書百官志具有其文

蓋割裂也

詳蓋未

裂者與列同說文列分解也廣雅云裂分也內則云衣裳綻裂釋文裂本又作列莊子天下篇云道術將

爲天下裂是裂列俱以分解爲義也蓋者釋文云古
害反舍人本作害是害蓋通又與割同割者害也釋
名云害割也如割削物也說文云割剝也从害聲故
割與害同又與蓋同見禮記緇衣注是蓋割害三字
以聲爲義也阮雲臺師曰害曷蓋未未古音皆相近
每加偏旁互相段借若以爲正字則失之書呂荆云
鰥寡無蓋蓋卽害字之借言堯時鰥寡無害也孟子
謨蓋都君兼言井廩亦當訓害也害字與割音義最
近書堯典洪水方割大誥天降割之類皆害字之借
也害字與蓋亦近爾雅釋文蓋舍人本作害書君奭
云割申勸寧王之德鄭氏緇衣注割之言蓋是也益
與曷同音故孟子時日害瘞害卽曷也蓋與未未亦
最近故公羊襄廿七年傳曰昧雉彼視何休注
昧割也邵公之意若日有渝盟者視此割雉也

豈

豈載也皆方俗語亦未詳

載者說文云乘也釋名云戴也戴在其上也通作戴
詩載弁侏侏此篇下文郭注引作戴弁侏侏豈者

文云又作擁邢疏引謝氏云邕字又作擁釋云擁者護之載也支者邵氏正義云支與檣通檣柱所以承載詳見下文

謹諉累也

以事相屬累為謹諉

累者說文作纍云綴得理也玉篇云纍力佳切繫也又力偽切延及也累同纍是纍為正體隸省作累今讀累力偽切纍力佳切以為二字非矣釋文累本又作纍字又作紮是紮纍又通矣謹諉者說文云謹諉纍也諉纍也是諉諉連文及單文俱訓纍也釋文引孫炎云楚人曰諉秦人曰諉是諉諉疊韻二字義同玉篇云謹託也漢書賈誼傳注引蔡謨曰諉者託也是諉諉並訓託屬託與屬累義亦同

漠察清也

皆清明

清者說文云服也澂水之兒文選思玄賦云懲澗忍而為清舊注清靜也易象上傳虞翻注清猶明也是

清兼明靜二義靜猶淨也方言云清急也急猶激也故方言又云激清矣漢者說文云清也釋文引樊光云漠然清貌音莫漢書賈誼傳注漠靜也是漠爲靜之清矣察者審之清也釋詁云察審也禮器注察猶明也老子云俗人察察河上公注察察急且疾也又與清急義合

庇廕也

今俗語呼樹廕爲廕

廕者蔭之或體也說文蔭艸陰地玉篇引作草蔭地也是蔭从艸其實樹木之陰亦謂之蔭故淮南說林篇云蔭不祥之木人閒篇云蔭暍人於樾下皆以樹陰爲蔭也通作陰詩旣之陰女箋以陰爲覆陰釋文陰鄭音蔭覆蔭也左氏昭元年傳趙孟視蔭釋文蔭木亦作陰又通作廕爾雅釋文廕字亦作蔭詩雲漢釋文蔭本亦作廕庇者說文云蔭也表記注及考工記輪人注竝云庇覆也覆亦蔭故一切經音義九引孫炎曰庇覆之廕也左氏文十七年正義引舍人曰庇蔽也蔽亦覆蔭也方言云庇寄也寄託義亦同也

通作芘雲漢釋文芘本亦作庇又通作庀周禮遂師
釋文庇本又作庀麻者說文與休同云息止也从人
依木釋詁云休息也左傳正義引舍人曰秣依止也
止息義皆爲蔭淮南精神篇云得秣越下高誘注秣
蔭也三輔人謂休華樹下爲秣也釋文
麻字又作休按作休爲正秣俗聲也

穀履祿也

書曰既富方穀
詩曰福履將之

履禮也

禮可以履
行見易

祿者釋詁云福也廣雅云善也善與福同義周禮天
府注祿之言穀也孝經注倉廩爲祿是祿兼二義爾
雅亦然也穀者上文云生也釋詁云善也善與祿義
同生與養義近詩俾爾戩穀穀方有穀傳箋竝云
穀祿也孟子穀祿不平趙岐注穀所以爲祿也亦與
此義合矣履者釋詁與祿竝云福也詩福履綏之傳
履祿也履祿聲轉義同說文云禮履也所以事神致
福也亦與此義合餘詳釋詁○履訓禮者祭義云禮
者履此者也仲尼燕居云言而履之禮也坊記云履
無咎言皆以履爲禮也詩履我卽兮率履不越傳竝

云履禮也郭云見易者序卦云履者禮也履禮疊
韻履祿雙聲故古皆以爲訓履禮字通亦詳釋詁

隱占也

度隱

占者漢書陳遵傳云口占書吏集注占隱度也口隱
其辭以授吏也占音之瞻反敘傳云大臣名家皆占
數于長安集注占度也自隱度家之口數而著名籍
也然則占者億度之詞與占候之義亦近釋文無音
蓋讀如字玉篇占之鹽切候也候伺亦隱度之言是
占亦不必音之瞻反矣隱者文選郭有道碑文注引
劉熙孟子注曰隱度也管子禁藏篇注亦同少儀云
隱情以虞鄭注隱意也思也按意與億則屢中之億
同億謂以意度之故禮運云非意之也鄭注意心所
無慮也無慮亦隱度之義然則意亦隱也隱意聲轉
字通故左氏昭十年經云季孫意如公羊作季孫隱如

逆迎也

釋詁云逌迎也迎者說文云逢也迎逌御俱音轉字
通已詳釋詁又與輅同左氏僖十五年傳輅秦伯宣
二年傳狂狡輅鄭人輅俱訓迎輅御又疊韻字矣逆
者迂之迎也逆本違迂之名而有逢迎之義故以逆
爲迎考工記匠人云逆牆六分鄭注逆猶卻也齊策
云故專兵一志以逆秦高誘注逆拒也拒與迎義相
反者逆對順言故有拒意逆以迎言故有逢
遇之意詁訓有相反而相同者此類是也

僭會也

發語辭
見詩

會者說文云詞之舒也蓋會之言增增者重累故其
詞舒會猶嘗也凡言嘗如是者亦言會如是左氏昭
十二年傳注昆吾會居許地釋文會一本作嘗是嘗
會通會又訓乃趙岐孟子注何會猶何乃也僭者替
之段音也說文僭會也引詩僭不畏明通作僭詩民
勞節南山十月之交傳箋竝云僭會也又通作慘民
勞釋文慘本亦作僭左氏昭廿年傳作慘
不畏明釋文慘會也慘僭聲同僭會聲轉

增益也

今江東通言增

益者說文云饒也玉篇云加也易繫辭云益德之裕也是益以增多增長為義也增者說文云益也廣雅云加也重也累也爾雅釋訓云增增衆也是皆增多增長之義通作曾說文會部云會從曾省曾益也詩曾孫篤之箋曾猶重也離騷云曾歎歎余鬱邑兮王逸注曾累也又通作層招魂篇云層臺累榭王逸注層重也魏大饗碑云蔭九增之葦葢增即層也又通作諡說文云諡加也又通作檜禮運云夏則居檜巢釋文檜本又作增又作曾今按玉篇檜才陵子登二切即曾增之音檜巢與營窟對文檜亦重累之義然則檜依義當作增與曾段俗作檜耳

實貧也

謂貧陋

貧者說文云財分少也莊子讓王篇云無財謂之貧是貧从財省會意說文从貝从分貝即財分即少矣

婁者說文云無禮居也詩北門傳婁者無禮也貧者困於財一切經音義一引蒼頡篇云無財曰貧無財備禮曰婁又引字書云婁空也類聚卅五引字林云婁貧空也按婁从婁聲婁訓空故以空言聲兼意也釋名云婁數猶局縮皆小意也小與貧近故荀子堯問篇有婁小之言小與空又與無禮居近也詩云終婁且貧是貧婁爲二婁謂無財可以爲禮貧并無以自給故言且以見意實則貧婁是一故書六極四曰貧不言婁從可知也

夢隱也

謂隱蔽

儂喞也

鳴喞短氣皆見詩

隱者釋詁云微也玉篇云不見也匿也皆藏伏翳蔽之義也夢者說文作夔云蔽不見也玉篇云隱也蔽也亦作夔華嚴經音義上引珠叢云夢蔽也離騷云衆夢然而蔽之方言注夢謂蔽夢也引詩夢而不見蓋夢而卽夢然夢然又卽隱然矣通作儂廣韵云儂隱也說文云仿佛也引詩儂而不見又通作夔今詩

作夔而不見說者因以夔爲可夔非也夔卽儂之省
故廣雅云夔儂也詩夔莫助之傳夔隱也是其證○
吧者悒之或體也說文悒不安也文選長門賦云舒
息悒而增歎兮李善注悒於悒也一切經音義四引
蒼頡篇云悒悒不舒之貌也通作邑漢書成帝紀贊
云言之可爲於邑集注於邑短氣貌文選與滿公玉
書云良增邑邑李善注邑邑不樂也又通作吧玉篇
云吧烏合切嘔也引爾雅淮南覽冥篇云孟嘗君爲
之增歎歎吧高誘注歎吧失聲也按歎吧卽於悒或
作鳴吧亦作嗚咽竝字音小異耳於嗚聲同於悒又
卽悒悒聲相變也儂者詩亦孔之儂傳儂吧正義引
孫炎曰心吧也荀子禮論篇云憚詭吧儂而不能無
時至焉楊倞注吧儂氣不舒憤鬱之貌然則吧儂卽
儂吧也爾雅古本當作儂悒故孫炎云心悒从邑旁
心也詩正義據爾雅今本作儂吧故引孫炎云心吧
从邑旁口矣荀子今本亦作吧儂宋本則作悒儂可
證

基經也

基業所以自經營

基設也

亦爲造設

經者理也歷也考工記輔人注經亦謂順理也詩靈臺傳經度之也楚語注經謂經度之立其基址也是皆以理爲義也釋名云經徑也小爾雅云經過也文選魏都賦注直行爲經是皆以歷爲義也爾雅之經主前義亦包後義也鬼谷子抵巇篇云經起秋豪之末注云經始也始卽基之訓也基者釋詁云始也謀也俱與經理義近故賈子禮容篇云基者經也書周公初基基謂經度之也正義引鄭注基訓爲謀謀亦經度之義詩經始靈臺經始卽初基也周語云自后稷之始基靖民始基亦卽初基韋昭注基訓爲始非也通作期士喪禮注古文基作期士虞禮記注古文朞皆作基按朞說文作棋云復其時也然則朞者周而復始經歷一月謂之朞月經歷一年謂之朞年基之訓經亦其義矣基經雙聲○設者說文云施陳也陳列施設俱與經理義近禮容篇云基者勢也形勢與造設義亦近

祺祥也

謂徵祥

祺吉也

謂吉之先見

祥者釋詁云善也說文云福也賈子大政篇云祥者福之榮也按榮謂先見其徵應若草木之有華榮也士虞禮記注祥吉也漢書五行志云祥猶禎也禎吉亦福善之義也禎者士冠禮云壽考維祺鄭注祺祥也詩維周之禎傳禎祥也正義引釋言文是禎本作祺釋文亦作祺云祥也爾雅同故正義又引舍人曰祺福之祥某氏曰詩維周之祺織祿祿定本集注祺字作禎釋文亦引徐云本又作禎與崔本同然則今詩作禎蓋據徐邈及崔靈恩集注所改釋文正義俱作祺今正義亦作禎則誤矣臧氏琳經義雜記十一云唐石經作禎故今本多作禎說文禎祥也崔蓋本此今注疏本作禎則非○吉者說文云善也釋名云實也有善實也文選東京賦注吉福也周禮大祝云吉祝鄭眾注祈福祥也然則吉包福善二義與祥同訓故逸周書武順篇云禮義順祥曰吉是吉即祥矣祺旣訓祥又言吉者蓋祥之一字本兼吉凶二義書

序云亳有祥桑穀此以妖怪爲祥也周語云襲于休祥此以福善爲祥也故申釋之

兆域也

謂塋界

肇敏也

書曰肇牽車牛

域者說文作或云邦也或又從土玉篇云域居也封也詩藪蔓于域傳域營域也周禮典祀注域兆表之塋域廣雅云塋域葬地也按塋營通域本邦之界限不獨葬地有域故漢書禮樂志云躋之仁壽之域集注域界也是凡界稱域矣兆者兆之段借也說文云兆畔也爲四時界祭其中引周禮曰兆五帝於四郊通作兆今小宗伯兆作兆鄭注兆爲壇之營域樂記云行其綴兆士喪禮云兆南面鄭注竝云兆域也又通作肇書肇十有二州大傳作兆十有二州鄭注兆域也爲營域以祭十二州之分星也詩以歸肇祀箋肇郊之神位也后稷肇祀表記作后稷兆祀鄭注兆四郊之祭處也詩肇域彼四海肇當作兆兆域正天下之經界○敏者說文云疾也肇者釋詁云謀也謀敏古音相近中庸人道敏政鄭注敏或爲謀是謀

敬通詩肇敬戎公釋文引韓詩云肇長也長有敬意
肇之言猶趙也穆天子傳云天子北征趙行郭注趙
猶超騰也超騰與敬疾義近詩其鑄斯趙
傳趙刺也按肇擊也擊刺與敬疾義又近

挾藏也

今江東

挾徹也

謂露

藏者懷也說文作裏云藏也學記云藏焉脩焉鄭注
藏謂懷抱之按藏古書作臧後人通借爲藏耳挾者
說文云俾持也玉篇云懷也持也廣韻云藏也護也
漢書惠帝紀云除挾書律應劭注挾藏也通作俠說
文云裏俠也裏俠猶裏藏左氏隱九年經云挾卒公
穀作俠卒是俠挾通又與匿同匿或作篋說文云匿
藏也○徹者說文云通也小爾雅云達也爾雅釋訓
注徹亦道也道達義俱爲通也挾者古無正文借挾
與接爲之接亦通達之義故小爾雅云接達也廣雅
云接徧也周徧亦露洽之義此皆以接爲挾也以挾
爲挾者詩使不挾四方毛傳挾達也釋文挾子協反
周禮大宰及大司馬並云挾日而斂之釋文挾子協

反字又作淡越語云淡日而令大夫朝之韋昭注從
甲至甲曰淡淡而也淮南原道篇云不淡于骨髓高
誘注淡通也漢書禮樂志云於是教化淡洽集注淡
徹也唯荀子書淡俱作挾儒效篇云盡善挾洽之謂
神挾洽卽淡洽也禮論篇云方皇周挾周挾卽周淡
也故楊倞注竝云挾讀爲淡與詩及周禮合爲宅書
所未見

替廢也替滅也

亦爲滅絕

廢者釋詁云舍也舍謂廢置不用故又訓退也罷也
止也已詳釋詁替者說文云廢一偏下也通作替詩
勿替引之胡不自替離騷云謇朝諝而夕替毛傳及
王逸注竝云替廢也晉語云薦可而替否韋昭注替
去也去亦廢故一切經音義九引李巡曰替去之廢
也釋詁云替止也止亦廢又云替待也待亦止之廢
也滅者釋詁云盡也絕也晉語注滅除也除去與廢
止義近替又訓滅者曾語云令德替矣晉語云君之

冢嗣其替乎韋昭
注竝云替滅也

速徵也徵召也

易曰不速之客

徵者求也說文云召也召求義近呂覽達鬱篇云桓
公樂之而徵燭漢書五行志云徵寒與禱高誘注及
顏師古集注竝云徵求也速者疾之徵也文選思立
賦云速燭龍令執炬兮舊注速徵也速亦召故詩何
以速我獄以速諸父箋竝云速召也鄉飲酒及鄉射
禮速賓注同召者說文云評也呂覽分職篇云令召
客者酒酣高誘注召請也請猶徵也經典徵訓召者
周禮司市云成賈而徵債縣正云縣之政令徵比典
祀云徵役于司隸及鄉飲酒鄉射禮云徵唯所欲鄭
注竝云徵召也凡左傳徵會徵聘徵師之類其義亦
同召猶招也說文招手呼也僴譌然則召以口評招
以手評故楚辭招魂序云以手曰招以言曰召詩總
有苦葉傳招招號召之貌號召亦評
召也招又求也致也竝與召義同

琰寶也

詩曰來獻其琰

寶者說文云珍也珍寶也通作保又作葆易繫辭云聖人之大寶曰位釋文寶孟作保書無墜天之降寶命史記魯世家作無墜天之降葆命雷族世家集解徐廣曰史記珍寶字皆作葆又通作宗亦作瑤書云陳寶說文引作陳宗寶器穆天子傳作瑤器矣琰者詩泮水傳寶也正義及釋文引舍人曰美寶曰琰莊氏述祖說琰字古無正文當依說文作珍余按琰字見詩與金相韻若作珍則失韻其說非也玉篇琰別作賧廣韻賧費也與玉篇異文選思玄賦云獻環琬與琰縞兮舊注琰質也質與寶異琰質之訓與爾雅又乖疑未能定也

揆試也

刺揆嘗試

試者上文云用也此訓嘗試廣雅云試嘗也秦策云臣請試之高誘注試猶嘗視也然則易无妄云不可

試也試亦嘗矣釋文訓試為驗驗與嘗近嘗與用亦
近矣揆者釋詁云取也又訓刺揆刺亦采取之義刺
揆猶伺揆也故軍中閒謀用以揆取敵情謂之揆子
然則揆之言占也試之言伺也方言云占伺視也占
與覘同伺與覘同皆竊視之意試與弑古通用石經
公羊殘碑云何隱爾試也試即弑矣白虎通云弑者
試也釋名云弑伺也同閒而
後得施也竝與揆試義近

髦選也

俊士中之俊如
士中之髦

選者說文云擇也玉篇云數也廣雅云入也逸周書
常訓篇云夫民羣居而無選孔晁注選行也漢書武
帝紀云知言之選應劭注選善也然則選之言善謂
德行道藝可入成均充選數故王制云命鄉論秀士
升之司徒曰選士白虎通引禮別名記曰十人曰選
言材過十人也髦者上文云髦士官也釋文毛中之
長豪曰髦然則髦之言豪也在毛謂之豪在士謂之
選故選士曰髦士亦曰豪士矣○俊者禮別名記曰

百人曰俊說文云俊材過千人也書俊又在官馬鄭注云材德過千人爲俊鬪冠子能天篇云德萬人者謂之俊不同者百千萬雖爲數懸殊要皆才德出衆之稱故書克明俊德鄭汪俊德賢才兼人者是其義俱通矣王制云司徒論選士之秀者而升之學曰俊士通作僞左氏莊十一年傳得僞曰克釋文僞本或作俊髦又訓俊者詩甫田棫樸傳及士冠禮注竝云髦俊也

俾職也

使供職

職者釋詁云主也周禮掌固云民皆有職焉鄭注職謂守與任考工記云國有六職百工與居一焉然則職不必居官也凡事也業也主者皆謂之職大宰以八職任萬民任卽任使之義也俾者釋詁云使也從也從順使令皆與職義近以從順爲職職之卑者也引作克順克俾鄭注俾當爲比聲之誤也擇善從之曰比按比訓從則與俾同故古字通非誤也在易比

與師對比卽俾也師猶尸也釋詁云尸職主也

紕飾也

謂緣飾見詩

飾者論語鄉黨篇皇侃疏引鄭注云飾謂純緣也玉篇云純之閏之允二切緣也緣於絹切邊緣也紕者玉篇云必二扶規二切冠緣邊飾也按緣邊之飾衣冠皆有之故玉藻云縞冠素紕鄭注紕緣邊也紕讀如埤益之埤是冠緣邊曰紕也雜記下云紕以爵章六寸鄭注在旁曰紕淡衣云純袂緣純邊鄭注緣邊衣裳之側既夕記注飾裳在幅曰緝按在幅卽裳之邊側釋文緝音毗支反緝卽紕也是衣裳緣邊俱曰紕也郭云見詩者素絲紕之毛傳紕所以織組總紕於此成文於彼鄭箋縫紕旌旗之旒縵或以維持之是毛鄭說組義異要爲緣飾之義則同故爾雅總云紕飾也

凌慄也

戰慄

慄慄也

戰慄者憂感

慄者栗之段借也說文云凜寒也通作栗詩二之日
栗烈傳栗烈寒氣也凌者凌之段借也說文騰或作
凌久出也引詩納于騰陰今詩作凌陰毛傳凌陰冰
室也爾雅凌慄古本作凌栗故釋文引樊注作凌冰
凜也凜亦寒樊充蓋以冰凜釋栗字凜栗凌俱一聲
之轉漢書楊雄傳云馳閬闔而入凌兢集注入凌兢
者亦寒涼戰栗之處也與樊充義合郭所據本凌作
凌栗作慄故釋文云凌力升反又云郭注凌當作凌
埤蒼云凌慄也然則郭本凌慄卽埤蒼之凌慄其注
云凌慄亦當爲凌遽楊雄傳云虎豹之凌遽集注凌
戰栗也遽惶也文選西京賦云百禽凌遽薛綜注凌
猶怖也竝郭所本○慄惑者當作栗蹙亦段借也釋
名云蹙適也適迫之也詩小明及召旻傳竝云蹙促
也促迫皆急疾之意故燕禮記云凡公所辭皆栗階
鄭注栗蹙也謂越等急趨君命也聘禮云栗階升鄭
注栗階趨君命尙疾不連步公食大夫禮云賓栗階
升不拜鄭注栗實栗也不拾級連步趨主國君之命
然則儀禮栗階凡三見鄭俱以栗爲疾速其栗蹙之

文唯燕禮注一見明其餘同是爾雅慄感卽栗蹙故鄭據以釋經郭氏緣詞生訓而云戰慄者憂感失之

矣今訂正

蠲明也

蠲清

茅明也

左傳曰前茅慮無

明朗也

明者說文云照也周語注顯也祭義注明猶潔也

者說文云馬蠲也引明堂月令曰腐艸為蠲今日刻

蠲作螢是蠲為蟲之明也方言云病愈或謂之蠲

注蠲亦除也是蠲為除之明也周禮宮人云除其不蠲鄭注蠲猶潔也是蠲為潔之明也故書云不蠲烝

左氏襄十四年傳云惠公蠲其大德馬融及杜預注

竝云蠲明也爾雅邢疏引樊光云蠲除垢穢使令清

明是樊注亦兼潔除為義矣通作圭詩吉蠲為饁韓詩作吉圭為饁土虞禮記注及周禮蠶氏注亦竝作圭云圭潔也孟子圭田注同然則圭蠲聲轉義同○茅者郭引左氏宣十二年傳云前茅慮無杜預注茅明也正義引舍人曰茅昧之明也杜注又引或曰時

楚以茅爲旌識然則茅旌亦取顯明爲義故朝會以
茅莖表位祭祀用菁茅縮酒菁亦明也所以郊特牲
云縮酌用茅明酌也是皆茅訓明之義也齊語云首
戴茅蒲韋昭注茅或作萌按古讀明若芒萌亦若芒
萌茅明竝雙聲字也○明訓朗者詩旣醉傳朗明也
左氏昭五年傳正義引樊光云高朗令終日月光明
楚語云其聖能光遠宣朗淮南原道篇云
新而不朗韋昭及高誘注竝云朗明也

猷圖也

周官日以猷鬼神祇謂圖畫

猷若也

詩曰寔命不猷

圖者釋詁云謀也廣雅云畫也周禮小宰鄭衆注圖
地圖也按圖謂模寫其形象也猷者釋詁云謀也謀
亦圖也猷與猶同詩酒之未遠傳猶圖也小旻白華
抑訪落般箋竝同周禮凡以神仕者以猶鬼神示之
居小行人云猶犯令者儒行云猶將不忘百姓之病
也鄭注竝云猶圖也此皆圖謀郭引周禮作圖畫於
義亦通○若者如也考工記梓人云母或若女不寧
侯公羊莊四年傳則襄公得爲若行乎鄭及何休注

竝云若如也若如古通用有司徹云若是以辨鄭注
今文若爲如如若雙聲字也猷訓若者猷如釋詁竝
云謀也如卽若也猷之爲若亦如如之爲若也詩小
星鼓鐘傳竝云猶若也郊特牲云猶明清與醖酒於
舊澤之酒也內則云子弟猶歸器
鄭注竝云猶若也猶若亦雙聲字

稱舉也

爾書曰稱

稱好也

亦爲好

舉者說文作舉从手與聲云對舉也則與昇同昇共
舉也舉與動義近故訓起也拔也用也行也又訓言
也雜記云過而舉君之諱則起鄭注舉猶言也按舉
訓言則與稱說同義又爲銓衡之名小爾雅云兩有
半曰捷倍捷曰舉是舉與稱又俱爲器名矣稱者再
之良俗也說文云再并舉也通作稱說文稱揚也揚
亦舉故釋訓云稱稱舉也又通作稱書敢行稱亂史
記殷紀作敢行舉亂士相見禮云問吾子稱贊聘禮
云賓稱面檀弓云言在不稱徵鄭注竝云稱舉也蓋
稱舉俱兼言行二義凡稱述稱道皆言之類也稱量

稱度皆行之類也舉義亦同○好者說文云美也徐
錯日子者男子之美稱會意玉篇云好呼道切美也
又呼導切夔好也釋文亦兼二音與玉篇同以夔好
爲義者詩好是正直箋好猶與也與卽舉字之聲與
舉古字通也以美好爲義者詩緇衣之好傳好猶宐
也宐卽稱之訓也稱者漢書刑法志云一物失稱集
注稱宐也荀子禮論篇云貧富輕重皆有稱者也楊
倞注稱謂各當其宐按今俗語謂之虧稱亦謂之爲
恰好故考工記輪人云欲其肉稱也鄭注肉稱弘殺
好也輿人云謂之參稱鄭注稱猶等也然則稱以等
爲義稱等與物適平然後爲好後世有稱又有等子
二者竝爲衡器之名矣郭云物稱人意亦爲好者釋
文稱尺證反是矣然好字旣兼二音稱字亦有二讀
如祭義云國人稱願然曰幸哉有子如此是稱爲嘉
美之詞又當音尺陵
反矣釋文蓋失之

坎律銓也

易坎卦主法法律
皆所以銓量輕重

銓者說文云衡也廣韻云量也次也度也文選文賦
注引蒼頡篇曰銓稱也聲類曰銓所以稱物也廣雅
稱謂之銓吳語云無以銓度天下之眾寡通作砣廣
雅云砣度也廣韻砣同銓是矣坎者水也水主法者
左氏宣十二年杜預注坎為法象說文云法刑也平
之如水从水考工記輪人云水之以眡其平沈之均
也權之以眡其輕重之侔也然則水主均平權知輕
重水即坎也權亦銓也銓衡所以取平故坎訓銓矣
律者上文云述也釋詁云常也法也法律同類故易
集解師坎下竝引九家注坎為法律淮南覽冥篇注
又云律度也蓋律度銓衡竝主法之器故展轉相訓
左宣十二年傳正義引樊光曰坎卦水也水性平律
亦平銓亦平也

矢誓也

相誓

誓者上文云謹也說文云約束也釋名云誓制也以
拘制之也曲禮云約信曰誓周禮典命注誓猶命也

大射儀注誓猶告也告命皆謂以言相約結信故易
晉象傳虞翻注誓信也詩云信誓旦旦亦其義也矢
者釋詁云陳也陳布與約信義近故論語夫子矢之
釋文引孔鄭繆播皆云矢誓也蔡謨云矢陳也陳誓
義近易晉象傳矢得勿恤集解引虞翻注矢古誓字
然則矢誓古通用書云出矢言卽出誓言矣釋文引
馬融注以爲盤
庚誥詁誓義同

舫舟也

竝兩

說文云舟船也釋名云船又曰舟言周流也通作周
詩舟人之子箋舟當作周考工記總目云作舟以行
水鄭注故書舟作周鄭衆云周當爲舟漢修堯廟碑
云委曲舟而韓勅後碑云舟口牆域竝以舟爲周周
訓而徧與方訓旁行其義又同矣舫者方之段音也
詩云不可泳思不可方思又云方之舟之泳之遊之
具有成文故爾雅此及下條分釋之蓋謂方本訓游
亦舟之類故卽云方舟也泳本訓潛亦游之類故卽

云泳游也此皆爾雅釋言之意郭氏未達以爲竝兩
船者蓋據釋水之方舟爲併兩船而欲移注此文不
思彼云大夫方舟則方舟二字連讀此加也字分釋
則別爲兩義郭欲一之蓋爲失矣通作舫文選贈紫
子篤詩云舫舟翩翩李善注舫與方同按古讀方若
舫亦若詭釋水之方舟當讀若詭詭併聲轉也此文
當讀若舫舟周流舫行也

泳游也

潛行游
水底

游者浮之段音也說文云浮浮行水上也浮或从囚
聲作洄列子說符篇云人有濱河而居者習於水勇
於洄通作游禮緇衣云故大人不倡游言鄭注游猶
浮也列子黃帝篇云能游者可致也詩兼葭傳順流
而涉曰遡游周禮萍氏云禁川游者竝以游爲浮水
之名也泳者釋水云潛行爲泳郭注水底行也必知
泳爲水底行者黃帝篇云彼中有寶珠泳可得之商
正開復從而泳之既出果得珠焉據開得珠不容浮

行水上故知泳爲潛行水底也潛則非浮而云泳游也者方言云潛沈也楚郢以南或曰潛潛又游也郭注潛行水中亦爲游此言與爾雅合矣說文又云古或以汙爲澠澠沈也讀若沫然則汙又爲沒沒謂沈入水中與潛行水底之義又合

迨及也

東齊曰迨

及者釋詁與逮俱云與也此篇下文又云逮及也逮與迨同通作逮說文云逮及也又通作隸說文隸及也引詩曰隸天之未陰雨今詩隸作迨標有梅匏有苦葉伐木俱作迨字方言云迨及也東齊曰迨蓋隸逮別作迨矣

冥幼也

幼稚者冥昧

幼者窈之段音也說文云窈深遠也詩關雎傳窈窕幽閒也窈窕疊韻窈之言幽幽窈窕雙聲也通作窈史

記項籍紀集解徐廣曰窈一作窈又通作杳文選西
都賦云又杳窈而不見陽杳窈即窈窕也故李善注
窈與杳同又通作幼窈从幼聲因省作幼故詩斯干
釋文幼本或作窈正義云幼爾雅亦或作窈是窈爲
正體幼爲俗聲大戴禮誥志篇云幽幼也亦以聲同
爲義郭注以幼稚爲言蓋失之矣冥者說文云幽也
幽亦幼故斯干傳冥幼也幼亦窈故正義引孫炎曰
冥深闇之窈也又引某氏曰詩噦噦其冥爲冥窈於
義實安然則毛傳之冥幼即冥窈審矣且冥窈連文
經典非一老子云窈兮冥兮其中有精莊子在宥篇
云至道之精窈窈冥冥史記項籍紀云窈冥晝晦文
選魏都賦云雷雨窈冥而未半皆爾雅冥窈之正文
也文選舞賦云獨馳思乎杳冥李善注杳冥謂遠而
出冥也莊子逍遙遊篇釋文引簡文注窈冥無極故
謂之冥說文云窈窈冥也皆爾雅冥窈之異文也史
記司馬相如傳云紅杳渺以眩濬兮索隱引晉灼云
杳渺淡遠楚辭湘君篇云美要眇兮宐修王逸注要
眇好貌按要眇即杳渺蓋意態淡遠之貌杳渺又即

窈冥冥渺
一聲之轉

降下也

下降釋詁竝云落也此云降下也轉相訓釋文降古巷反一音戶江反按降古戶紅反下戶古反降下一聲之轉

傭均也

齊等

均者釋詁云易也說文云平徧也按均之言勻也勻者所用以旋轉調勻故均又訓調也同也詩秉國之均此卽俗甸爲言故毛傳均平也六轡旣均亦俗甸爲比故傳云均調也通作鈞又通作甸旬亦徧也傭者說文云均也直也詩昊天不傭傳傭均也通作庸釋文傭韓詩作庸庸易也易亦均也公羊莊卅二年傳庸得若是乎何休注庸猶傭傭傭無節目之辭魏都賦云超百王之庸庸李善注庸謂凡常無奇異也是

庸有均義玉篇傭恥恭切均也直也又音庸賃也傭與鴻聲義近故考工記搏身而鴻鄭注鴻傭也傭亦均鄭意蓋以龍蛇之屬其身搏圓前後均等故訓鴻爲傭義本爾雅

强暴也

强梁凌暴

暴者說文作暴云疾有所趨也玉篇作暴云暴猶耗也猝也今作暴穀梁宣二年傳而暴彈之范甯注暴殘暴通作蹇釋文暴字又作蹇同蒲報皮周禮序官胥師注司蹇禁暴亂文選蕪城賦注引字書云蹇古文暴字强音一切經音義六引蒼頡篇云强健也健捷與猝暴義近通作彊詩蕩傳云彊禦彊梁禦善也彊梁卽麤暴

窳肆也

輕窳者好放肆

肆力也

肆極力

肆者說文云極陳也陳之爲言伸也伸有展放之意故肆又訓放也縱也縱有舒長之意故肆又訓長也

緩也緩長有直遂之意故肆又訓直也遂也是皆從
陳義而生也凡陳設必有區域故縣鍾磬全爲肆周
禮小胥所言是也市廛貨物所居亦爲肆論語百工
居肆是也是又從陳義而推也窕者下文云閒也閒
有寬意與淡遠義近故說文云窕淡肆極也旣言淡
又言肆者義本爾雅言肆又言極者肆之至極極卽
力也是說文以一句兼釋二義郭云輕窕者好放肆
蓋讀窕爲佻釋文因之而云窕吐彫反此皆誤矣唯
說文與爾雅義合今據以訂正○肆又訓力者力猶
極也說文肆極陳也窕淡肆極也皆以極肆連言可
知肆有極義故小爾雅云肆極也左氏昭十二年傳
魯穆王欲肆其心周語云藪澤肆旣晉語云肆侈不
違呂覽仲春紀云無肆掠淮南俶眞篇云無所肆其
能也注皆訓肆爲極極卽盡力之義故說文以肆爲
極爾雅以肆爲力其
義同力極之聲又近

俅戴也

詩曰戴
弁俅俅

戴者說文云分物得增益曰戴釋名云戴載也載之於頭也通作載經典載戴通用詩載弁俵俵郭引亦作戴矣俵者說文云冠飾皃引詩戴弁俵俵所引正與郭合服亦戴也釋訓云俵俵服也郭注謂戴弁服釋文俵本亦作練

瘞幽也

幽亦蕤也

輦罽也

毛輦所為罽

罽者縹之段借也說文云縹西胡毳布也又云紕氏人縹也通作罽王會篇伊尹四方令曰正西紕罽為獻後漢書西南夷傳冉駹夷其人能作旄氈斑罽蓋罽之有文者稱斑矣輦者毳之譌文也說文毳獸細毛也周禮司服注引鄭眾云毳罽衣也然則鄭以毳為罽衣許以縹為毳布證以釋文云輦李本作毳昌銳反可知爾雅古本輦罽作輦罽矣毳衣如莢經有成文故此釋之今本毳作輦輦說文以為輦牛尾非

可作罽經典俗爲豪釐之釐又以爲毛釐故一切經
音義九引三蒼云釐毛也書禹貢正義引舍人曰釐
謂毛罽也胡人續羊毛作衣又引孫炎曰毛釐爲罽
詩韓奕正義引郭璞云釐音狸又引舍人與書正義
小異舍人所以知罽爲羊毛作者據內則云羊冷毛
而毳羶一切經音義二引三蒼云毳羊細毛也又引
字林義同然則羊毛細者稱毳舍人所據爾雅本正
作毳與李巡同唯郭本誤作釐有釐音狸三字可證
正義引舍人及孫炎亦作

釐蓋因郭本作釐致誤耳

烘燎也

謂燒

烘焮也

今之三隅

竈見詩

燎者說文云放火也廣雅云燒也燒燎義同在野曰
野燒在庭曰庭燎其義一耳烘者詩印烘于焮傳烘
燎也正義引舍人曰烘以火燎也釋文烘火東反徐
又音洪說文巨凶甘凶二反孫炎音恭爾雅釋文郭
巨凶反餘音略同今按烘从共聲孫音是也今讀火
東反矣○焮者說文云行竈也从圭聲讀若同玉篇

口同鳥圭二切釋文引顧與玉篇同郭音恚字林口
穎反詩釋文又正弭反詩正義云炷者無釜之竈其
上然火謂之烘本爲此竈上亦然火照物若今之火
爐也按此火爐蓋如今燒炭所用郭云三隅竈者蓋
如今之風爐形如筆筒缺其上口爲三角以受風謂
之風竈形制大小隨人所爲舟車皆可攜帶故說文
謂之行竈也又今登萊人謂竈爲融鑪炷其音正作
口穎切此古音矣堪者說文云炷也玉篇云竈也詩
白華傳堪炷竈也正
義引舍人與毛傳同

陪朝也

陪位爲朝

朝者曲禮云天子當戶而立諸公東面諸侯西面曰
朝白虎通云朝者見也大宗伯云春見曰朝鄭注朝
猶朝也欲其來之早然則朝兼朝旦爲義也文選古
意酬到長史溉登瑯琊城詩云金溝朝灞灑李善注
小水入大水曰朝說文作淖云水朝宗于海是朝又
取水淖爲義也陪者說文云重土也玉篇云貳也隨

也加也助也益也是陪有加益之義朝亦所以助益人君如土壤增崇於山細流益潤於海故參乘曰陪乘加鼎曰陪鼎侍朝曰陪位皆其義矣陪培通

康苛也

謂苛刻

苛者說文云小艸也按苛爲小艸故又爲細也煩也重也又擾也一切經音義十六引國語賈逵注云苛猶擾也通作荷經典多借荷爲苛如晏子春秋諫上篇云執法之吏竝荷百姓漢街彈碑云吏無荷擾之煩皆以荷爲苛也康者釋器云康謂之蠱康亦細碎與苛擾義近聲又相轉

樊藩也

謂藩籬

藩者詩价人維藩傳藩屏也一切經音義廿引蒼頡篇云藩蔽也易大壯馬融注藩籬落也通作蕃詩四國于蕃蕃卽藩字之省故大司徒九曰蕃樂杜子春讀蕃樂爲藩樂大司馬蕃畿卽職方之藩服矣樊者

楸之段俗也說文云楸藩也通作樊詩折柳樊圃止
于樊傳竝云樊藩也正義引孫炎曰樊圃之藩也按
樊又訓邊也傍也崖也皆從藩籬之義而生也止于
樊說文引作止于楸漢書昌邑王傳作止于藩史記
滑稽傳作止于蕃
竝同聲通俗字

賦量也

賦稅所以評量

量者說文云稱輕重也玉篇力姜力尙二切釋文亦
具二音周禮序官量人注量猶度也禮運月以爲量
鄭注量猶分也羣嚴經音義上引國語賈逵注量分
齊也賦者說文云斂也詩烝民傳賦布也呂覽分職
篇注賦予也方言云賦與操也是賦兼取予其義則
皆爲量也故魯語云賦里以入而量其有無然則賦
斂賦稅卽爲量入賦布賦予卽爲量出賦之爲
言撫也撫揣料量郭注但以賦稅爲言失之

糗糧也

今江東通言糗

糧者說文云穀也詩乃裹餽糧又為乾倉之名故周禮廩人注行道曰糧謂糲也是糧為總名通作糧玉篇云糧同糧公劉釋文糧本亦作糧論語釋文糧鄭本作糶是糶糧又通矣糶者詩以峙其糶王制云五十異糶箋注竝云糶糧也雜記云載糶鄭注糶米糧也是糶亦兼二義通作餽集韻餽與糶通方言云餅或謂之餽餽音是乾倉亦名糶

庶侈也

庶者眾多為奢侈

庶幸也

庶幾僥倖

侈者說文云奢也玉篇云泰也集韻引字林云汰也汰亦泰泰即大侈泰即侈大也通作移延移與侈大義近又俱从多聲也庶者釋詁云眾也眾多即侈泰故公羊成十年傳婦人以眾多為侈也楚語云不陳庶侈通作膠詩為豆孔庶箋庶膠也正義引舍人曰庶眾也膠多也又引孫炎曰庶豐多也釋文膠字又作侈○幸者說文作倝云吉而免凶也晉語云德不純而福祿竝至謂之幸小爾雅云非分而得謂之幸

釋言

華嚴經音義上引韻圃云幸賴也又引公羊傳劉兆
注幸遇也遇偶賴利亦與僥倖義近庶又爲幸者說
文云欽委也欽猶覲也覲
亦幾也庶幾皆僥倖之意

箠拾也

謂拾

拾者說文云掇也掇拾取也匡謬正俗云拾者猶言
一一拾取按射著臂鞬以斂衣遂弦謂之爲拾亦取
收拾爲義也箠者書云盡起而築之釋文及正義引
馬鄭王皆云築拾也史記魯世家集解引馬融曰禾
爲木所偃者起其木拾其下禾通作箠金滕釋文築
本亦作箠又通作督小爾雅云督拾也又省作叔說
文云叔拾也詩九月叔苴毛傳同

樊駟也

今江東呼大爲
駟駟猶龐也

此有二本郭本作樊駟也說文樊駟大也樊與壯同
釋詁云壯大也此皆郭義所本樊尃孫炎本竝作將

且也將且皆未定之詞故秦策云城且拔矣呂覽音律篇云陽氣且泄淮南時則篇云雷且發聲高誘注竝云且將也且旣訓將將亦訓且故詩方將萬舞將恐將懼箋竝云將且也燕燕及簡兮丰楚茨文王旣醉烝民敬之傳竝云將行也樛木邢烈祖箋竝云將猶扶助也行與助有越起之意起且古字通古讀且七余切將且聲轉故同義同訓檀弓云夫祖者且也鄭注且未定之辭是亦以且爲將且音七余切今讀七也切非古音矣此皆樊孫所本郭氏不從據樊駟別本爲之作注但樊駟理新而於經典無會將且習見而爲經典常行廣雅亦作將且所據蓋卽樊孫之本唯沈旋集注作樊登也合將且爲一字猶依郭本樊字意在兩存則誤甚矣賴有釋文備列諸家今得依以申明古義用祛疑惑焉

集會也

會者釋詁云合也公羊隱元年傳會猶最也月令及樂記注會猶聚也聚最古字通皆合衆之詞諸侯相

釋言

見曰會亦合眾之稱也集者說文以爲彙字之省云羣鳥在木上也集从隹隹三佳也會从人人三合也故會集其義同詩小苾箋集會也小旻及大明傳竝云集就也成就與會合義近集就與聚最聲又相轉

舫泝也

水中

泝者說文云編木以渡也方言云泝謂之箴箴謂之筏筏秦晉之通語也楚辭憺往日篇注編竹木曰泝楚人曰泝秦人曰撥也按撥卽筏字詩漢廣釋文引郭云木曰箴竹曰筏小筏曰泝不同者泝筏箴皆同類其竹木隨地所宜耳釋文泝本亦作泝又作桴或作柎竝同又引樊光爾雅本作柎今爾雅釋文樊本作柎卽柎字之誤矣舫者亦方之段借也上訓舟此訓泝者泝舟同類釋水云土特舟庶人乘泝齊語云方舟設泝皆其義也詩不可方思方之舟之傳箋竝云方泝也正義引孫炎云方水中爲泝筏也爾雅釋文方樊本作坊坊蓋柎字之誤柎與舫同見史記張儀傳索隱

洵均也

謂調均

洵龕也

未詳

均者已詳上文洵者旬之段俗也說文云旬徧也徧即均故又云均平徧也十日為旬旬之言宣也宣徧亦見上文詩來旬來宣傳旬徧也其下侯旬傳旬言陰均也易雖旬无咎管子侈靡篇云旬身行注皆以旬為均也旬均古通用故內則云旬而見鄭注旬當為均聲之誤也易說卦坤為均今亦或作旬也周禮均人注亦同茲說今按雖旬无咎釋文旬荀作均亦其證矣通作洵詩洵直且侯傳洵均也桑柔正義云某氏引此詩李巡曰洵徧之均也又通作詢尚書大傳云詢十有二變鄭注詢均也○洵又訓龕者俗洵為洵恂信也從龕為堪堪任也言信可堪任也此義本錢氏答問今依用之釋文龕字或作含本今作龕按龕上从宀即含字之省含亦聲今說文从宀聲誤宀訂正龕或作含者方言云鉛龕受也齊楚曰鉛楊越曰龕受盛也猶秦晉言容盛也然則容受與堪任義近釋文作含與方言合

逮逌也

今荆楚人皆云逌音沓

逌者說文云迨也玉篇云迨逌行相及方言云逌及也關之東西曰逌或曰及然則逌逮俱訓及逮逌聲又相轉釋文云逌孫郭徒沓反又云沓與上同亦徒沓反今按宋雪窗本及明吳元恭本郭注逌下俱有音沓二字今本則無據釋文則唐以前本有之今補

是則也

是事可法則

則者釋詁云法也是者徙之段音也說文云徙徙行兒引爾雅曰徙則也詩好人提提釋訓作媿媿與此義合方言云徙行也又云自關而西秦晉之間凡細而有容謂之媿或曰徙說文云媿媿也是媿徙古字通然則儀容行動俱謂之徙容止可法故謂之則正與下文威則也同義徙从是聲因省作是郭蓋未檢

方言說文故緣詞生訓耳

畫形也

畫者為形象

形者說文云象形也釋名云形有形象之異也按容
色體貌皆形之類形謂表見故又訓見也畫者釋名
云繪也以五色繪物象也說文云畫介也象田四介
聿所以畫之按畫繪之事起於古之畫井經田古者
山川域地皆有圖畫周禮一書言圖非一遂人云以
土地之圖經田野造縣鄙形體之濼鄭注形謂制分
界也然則田有界畫以觀縣鄙之形體地有圖畫以
寫天下之形勢物有圖畫以盡萬物之形容此皆畫
訓形之義也

賑富也

謂隱賑富有

富者說文云備也一曰厚也論語顏淵篇集解及皇
侃疏竝云富盛也按富从畝聲有盛滿之義也賑者
說文云富也郭云隱賑富有隱與殷同殷訓衆盛故
文選西京賦云鄉邑殷賑薛綜注殷賑謂富饒也蜀

都賦云色居隱賑劉逵注隱盛也賑富也羽獵賦云
殷殷軫軫李善注殷軫盛貌也是殷軫卽隱賑音轉
字變又爲暉賸賸尹賦玉篇云暉賸富
有也是皆疊韻之字其義卽存乎聲也

局分也

謂分部

分者說文云別也淮南本經篇云各守其分高誘注
分猶界也禮運注分猶職也樂記注分猶部曲也皆
有分別之義也局者說文云促也从口在尺下復局
之一日博所以行基按局促卽守分位之意博局亦
有分限故曲禮云左右有局鄭注局部分也詩正月
傳局曲也采綠傳局卷也卷曲亦局促也小爾雅及
廣雅竝云局近也
迫近亦局促也

齊怒也

詩曰天之方齊

怒者說文云恚也匡謬正俗云怒字古讀有二音按
古音不分上去二音實一音也齊者詩板傳云怒也

正義引舍人曰憊怒聲也舍人知怒爲聲者素問五
運行大論云其志爲怒王冰注怒直聲也是怒亦有
聲然非
通義

憊聲也

謂聲音

聲亦音也通作磬大射儀注古文聲爲磬按說文聲
从鼓聲鼓籀文磬也憊者說文云聲也讀若肩玉篇
云憊小聲也字書侷同釋文云憊動草聲也字又作
侷廣韻同又鷲鳥之聲又憊憊呻吟也龍龕手鑑一
作侷侷呻吟也今按說文玉篇但言聲廣韻乃有鷲
鳥動草呻吟之說今竝未聞侷即肩之或體肩从肩
聲與憊从悉聲音本相近郭讀音契則聲轉矣通作
肩漢書武帝紀云著見景象肩然如有聞肩卽憊也
祭義云肅然必有聞乎
其容聲肅憊聲亦相轉

葵揆也

詩曰天葵之揆

度商

揆者說文云蔡也按此雖本爾雅但爾雅本爲解經
經有蔡字乃揆之段借故此釋云蔡卽揆也亦如甲
狎幕暮之例至於說文本爲訓義不主段借當言揆
度而言揆蔡則義反晦矣疑此許君之失也蔡者詩
天子葵之則我莫敢葵傳箋竝云葵揆也○度者釋
詁云謀也經典揆俱訓度一切經音義九引孫炎曰
揆商度也

逮及也

怒飢也

怒然飢意

怒者釋詁云思也說文云憂也憂思義同又訓飢者
蓋言憂思之意迫切如飢耳故詩汝墳傳云怒飢意
也意卽思故箋云怒思也說文以怒爲飢餓餓蓋意
字之誤本於毛傳也正義引李巡曰怒宿不食之飢
也蓋本毛傳朝飢而於詩及爾雅意又失也知者詩
有二怒怒焉如擣毛亦訓思可知飢非怒之本義

眡重也

謂厚一見左傳

眡者說文云目有所恨而止也玉篇作目有所限而止限謂隔闕故耳有所限謂之重聽目有所限今謂之蒙視蒙亦重矣重者重也累也郭引左氏隱三年傳憾而能眡者鮮矣杜預注恨則思亂不能自安自重經典眡字唯此一見通作疹詩雲漢釋文癩韓詩作疹恥吝反云重也按疹籀文眡字一切經音義六引三蒼云眡腫也腫與重聲義同

獵虐也

凌獵一暴虐

虐者說文去殘也殘兼暴害賊惡諸義獵者畋獵逐禽亦為殘害於物也邵氏正義去古者以殺為虐書呂刑惟作五虐之刑墨子尚同篇作惟作五殺之刑左氏宣十五年傳虐我伯姬獵訓為虐與釋詁獮殺也義同

土田也

別二名

田者說文云陳也樹穀曰田一切經音義一引蒼頡篇云田種禾稼也釋名云已耕者曰田田填也五稼填滿其中也土者釋名云土吐也能吐生萬物也然則土爲田之大名田爲已耕之士對文則別散則通也

戍邊也

戍守所以止寇賊

邊者釋詁云止也一切經音義一引蒼頡篇云邊遮也按遮謂遮遯守之與戍義正同戍者說文云守邊也从人持戈詩揚之水傳戍守也守有止定之義又有遮遯之義皆與邊同意

師人也

謂人衆

人者統詞也對衆而言則人爲寡詞周語云人三爲衆是也對寡而言則人爲衆詞穀梁莊十七年傳人

者衆辭是也爾雅此義卽本之穀梁師者釋詁云衆也二千五百人爲師是師爲人衆之稱

砧鞞也

砧然堅固

砧者釋文云苦角反則當作砧但說文砧石聲與鞞義遠砧訓石堅則與鞞近釋詁劫鞞竝云固也釋文劫或作砧古黠反是劫砧通疑此作砧是也

棄忘也

忘者說文云不識也不識卽今云不記得棄者說文云捐也捐棄與遺忘義近忘猶亡也棄猶去也去亡義又同經典棄訓忘者如詩將安將樂女轉棄子言安樂相忘也又云棄子如遺對上寘子于懷而言忘我之甚如遺失物也故下遂言忘我大德以結上二章傳箋或失之又左氏昭十三年傳南蒯子仲之憂其庸可棄乎亦以棄爲忘也

𦉳閑也

𦉳然閑
暇貌

閑者閒之段俗也經典遊閒燕閒及閒習閒暇通段
爲閑故詩十畝之閒釋文閒本亦作閑史記畱侯世
家云良嘗閒從容步遊下邳圯上索隱曰閒閑字也
𦉳者說文云聲也詩選徒囂囂左氏成十六年傳在
陳而囂合而加囂又甚囂且塵上竝以囂爲聲也軍
中無聲好整以暇唯選數車徒囂囂有聲然仍閒暇
整齊是囂爲聲之閒也故爾雅釋以囂閑囂閑又一
聲之轉釋文囂許嬌反此音是也又五刀反非矣五
刀乃敖字之音應在釋
訓釋文此囂讀如字

謀心也

謀慮
以心

心者釋名云心織也所識織微無物不貫也白虎通
云心之爲言任也管子心術篇云心者智之舍也然
則智藏於心心任於思思與智卽謀慮所從出矣謀
者說文云慮謀思也本釋詁文洪範云聰作謀此云

謀心也者論衡超奇篇云心思為謀謀心思於易竝屬坎

獻聖也

諡法曰聰明睿智曰獻

白虎通云聖者通也道也聲也詩凱風傳聖叡也洪範五行傳云心之不容是謂不聖獻者注子大宗師篇釋文引向秀注獻善也論語入佾篇集解引鄭注獻猶賢也賢善皆與聖近故賈子道術篇云且明且賢此謂聖人諡法云稱言賦簡曰聖聰明叡哲曰獻蔡邕獨斷叡哲作睿智郭注本此

里邑也

謂邑居

說文云邑國也釋名云邑猶佗也邑人聚會之稱也小司徒注四井為邑方二里初學記引尚書大傳五里為邑管子小匡篇六軌為邑不同者以周禮九夫為井準之四井則三十六家以管子五家為軌計之六軌則三十家故齊語云制鄙三十家為邑也然論語又云十室之邑千室之邑蓋邑為通名大不過千

室小不過十家其中容有畸零十與干舉成數耳里者說文云居也御覽一百五十七引風俗通云里者止也止卽居故左氏襄九年傳正義引李巡云里居之邑也遂人云五鄰爲里里二十五家也小匡篇云十軌爲里里五十家也古微書引論語誤考文云古者七十二家爲里公羊宣十五年傳注一里八十戶雜記注引王度記云百戶爲里管子度地篇亦云百家爲里是里數不同亦猶邑名靡定古者邑里通名故詩于嘽之里傳云里邑也里宰云掌比其邑之衆寡鄭注邑猶里也是邑里通

襄除也

詩曰不可襄也

玉篇云除去也開也曲禮注除治也周禮典祀注修除芟埽之是除又兼埽除芟除爲義也襄者諡法云辟地有德曰襄辟卽開除之義說文引漢令解衣而耕謂之襄耕亦芟除之義故詩牆有茨及出車傳竝云襄除也通作攘離騷云忍尤而攘詬詩車攻序外攘夷狄史記龜策傳西攘大宛竝以攘爲除也龜策

傳集解徐廣曰攘一作襄是襄攘通爾雅釋文襄或而羊反而羊即攘字之音

振古也 詩曰振古如茲 猶云久若此

古者釋詁云故也故有久舊之義振者聲近塵釋詁云塵久也久故與古義近詩載芟傳振自也自有始義亦與古近箋云振亦古也皆本爾雅故正義云毛義與鄭不殊郭云久若此者本詩南有嘉魚箋云烝塵也塵然猶言久如也

懟怨也

縞介也 縞者繫介猶閔

介者說文云畫也文選魏都賦注引韓詩章句云介界也是介訓界畫也文選魏都賦注引韓詩章句云介介履也介字義本爾雅亦取分限為義也釋文引李孫顧舍人本竝云縞羅也介別也按字書無縞字集

韻補或作繡與爾雅不合今以繡訓羅推之疑繡卽繡之譌繡猶離也離羅聲轉而義亦同故方言云羅謂之離離謂之羅然則離訓爲羅介訓爲別正與李孫顧舍人之義合矣臧氏琳經義雜記廿五以繡爲縛字之譌束縛有羅維意

郭義亦通蓋所傳本異也

號諱也

今江東皆言諱

諱者說文云評諱也通作嘑說文嘑號也周禮雞人云夜嘑且又通作諱說文嘑嘑也按嘑嘑猶號諱也又通作呼曲禮云城上不呼釋文呼號叫也詩蕩釋文呼崔本作諱爾雅釋文諱又作呼號者詩碩鼠傳呼也說文同通作諱說文云諱號也又通作號冀州從事郭君碑云十商嘑咷卽易云號咷也

凶咎也

苞槓也

今人呼物叢綴者爲槓

稊者說文云種穢也引周禮曰稊理而堅考工記注
稊致也詩鴉羽箋稊者根相迫迮捆致也致與緻同
稊與縝同故聘義云縝密以栗鄭注縝緻也鴉羽釋
文稊本又作縝苞者釋詁云豐也是豐之稊也鴉羽
傳苞稊也正義及書禹貢正義竝引孫炎曰物叢生
曰苞齊人名曰稊文選六代論注引易鄭注云苞植
也植卽稊

寤寤也

相干

寤者臧氏琳以爲悟之段借也悟者說文云逆也通
作迕一切經音義七引聲類云迕逆不遇也又通作
悟史記漢書注竝云悟逆也皆悟之通借也迕者當
作午釋文孫本迕字作午此蓋古本證以說文云午
悟也五月陰气午逆陽冒他而出是午爲悟逆孫炎
義與說文同故臧氏經義雜記六本此爲說又引史
記鄭世家以爲寤生者謂悟逆難生久不得下故驚
武姜也然則寤之言悟因其悟逆故名之曰寤生遂

惡之左傳與史

記義尤合矣

頤題也

題額也詩曰麟之定

題者說文云頤也莊子馬蹏篇云齊之以月題釋文引司馬崔云題馬頤上當顛如月形者也題顛聲轉故詩麟趾傳釋文題本作顛矣頤者卽下文云顛頂也顛頂頤又一聲之轉釋文頤字又作定詩釋文定字書作頤今按作定爲正

猷可也

詩曰猷來無棄百今通言

可者說文云可也按意所善曰可故檀弓云夫子曰可也鄭注善其能廉意已盡亦曰可故少儀云卽席曰可矣鄭注可猶止也然則可兼意盡未盡二義凡言可矣意已盡之詞也或言可也意未盡之詞也論語期月而已可也皇侃疏可者未足之辭是未足之辭亦得言可但意猶未盡耳猷者上文云若也釋詁

云已也已訓止則與可訓止近若訓善又與可訓善近猷與猶通故詩猶來無止之子不猶傳竝云猶可也公羊文六年宣八年傳竝云猶者何通可以已也穀梁傳云猶之爲言可以已也又云猶者可以已之辭也是皆猶訓可之證亦猶兼已若二義之證猶者意未盡又與可訓未足之義合矣有者春秋宣四年經云公及齊侯平莒及邾莒人不有不有卽不可也詩惠然有來噬有適我箋竝云有可也齊策云客有爲寡人來靖郭君乎高誘注亦云有猶可也可之言快也使意卽可意使可有俱一聲之轉

務侮也

詩曰外禦其侮

侮者說文云傷也傷當作傷傷輕也玉篇云侮慢也方言云秦晉之間罵奴婢曰侮然則侮人而以奴婢遇之輕慢之甚也務者侮之段音也詩外禦其務左氏僖廿四年傳及周語竝作外禦其侮是侮俗爲務故詩常棣箋本爾雅云務侮也明務卽侮字非以侮訓務也經典此例極多如爾雅甲狎幕暮之類皆是

貽遺也

相歸遺

遺者說文訓亾經典以為饋遺字曲禮云凡遣人弓者楚辭湘君篇云將以遺兮下女釋文及王逸注竝云遺與也詩北門傳遺加也加亦與也貽者詒之或體也說文云詒遺也詩雄雉天保傳及谷風小明思文有駮箋又梓人及表記注竝云詒遺也文王有聲箋詒猶傳也傳付亦遺與也通作台釋詁云台子也台即詒子即與也別作貽詩雄雉及靜女釋文竝云貽本作詒斯干釋文又云詒本作貽蓋貽詒二字經典通用實則詒為正體貽乃別體耳

賈買也

廣二名

賄財也

財者說文云人所寶也玉篇云所以資生者納財謂會穀也貨也賂也大宰以九賦斂財賄鄭注財泉穀

也坊記先財而後禮注財幣帛也然則財賄實泉帛
穀粟之通名矣賄者說文及詩氓傳竝云財也玉篇
贈送財也聘禮注賄子人財之言也然則經典言賄
實兼財贈二義爾雅但云財者財賄通名贈人以財
亦為賄也

甲狎也

謂習狎

狎者釋詁云習也甲者詩芄蘭傳甲狎也言甲卽
狎字釋文甲韓詩作狎是韓用本字毛段俗也

葵騅也葵亂也

詩曰毳衣如葵葵草
色如騅在青白之間

葵亂見釋草此云騅者說文云葵藿之初生一曰藿
一曰騅詩大車傳葵騅也箋云葵亂也皆本爾雅騅
釋文从馬旁云如騅馬色也詩正義从身旁鄭志荅
張逸云騅身青非草色藿亦青故其青者如騅是蓋
正義所本馬瑞辰說鄭君據毛傳本作騅从
身旁不从馬旁釋文蓋據爾雅改毛傳也

粲餐也

今河北人呼倉為餐

說文云餐吞也。飧舖也是二字義別。郭本作餐。釋文作飧。故云飧本又作餐。字林作飧。云吞倉然吞是餐之訓。而以飧飧則非。詩緇衣釋文亦云餐。飧也。此皆非矣。粲者漢書惠帝紀注。應劭曰坐擇米使正白為白粲。是粲為米名。非會名。爾雅以粲為餐。明其段俗。蓋據詩言。換子之粲。即謂與之以倉。知者詩言素餐。猶素倉耳。

渝變也

謂變易

說文云變更也。渝變于也。詩羔裘傳及板箋竝云渝變也。通作輸。廣雅云輸更也。更亦變也。左氏隱六年經鄭人來渝。平傳云更成也。公羊穀梁渝竝作輸。傳云輸墮也。墮壞亦變更之義。爾雅釋文渝舍人作孺。孺蓋渝之或體。見玉篇。

宐肴也

詩曰與子宐之

肴者說文云啖也玉篇云俎實又啖肉也按肴从肉故訓啖肉知說文啖下脫肉字初學記廿六引說文作肴雜肉也此蓋別本廣雅云肴肉也通作殺經典殺肴通用詩禮記公羊釋文詳矣宐者詩與子宐之傳宐肴也正義引李巡曰宐飲酒之肴也今按周禮兪醫凡會膳兪之宐是膳肴稱宐宐肴聲又相轉此與粲餐同意竝釋詩言非違詁也

夷悅也

詩曰我心則夷

悅者釋詁怡悅竝云樂也怡猶夷也夷者詩云胡不夷既夷既懌亦不夷懌傳箋竝云夷悅也楚辭九懷篇注夷喜也喜亦悅也郭引詩我心則夷此夷毛傳訓平以上章已云我心則說故此變為平實則和平亦悅懌也夷釋文作悒俗

顛頂也

上頭

頂者說文云顛也顛頂也方言云顛頂上也按上謂頭上頭上卽顛頂顛頂雙聲義亦互訓

耄老也

八十爲耄

老者說文云考也釋名云朽也獨斷云老謂久也舊也壽也耄者詩車鄰傳耄老也八十曰耄正義引孫炎曰耄者色如生鐵爾雅釋文引作老人面如鐵色釋名云耄鐵也皮膚變黑色如鐵也按耄說文及釋名俱本毛傳以爲八十易釋文引馬融注及詩正義引左傳服虔注竝云七十曰耄左傳正義又引舍人云年六十稱也杜預僖九年注從服虔何休宣十二年注從舍人是耄無正訓故有六十七十八十之異要爲老壽之稱則同故爾雅以耄爲老曲禮云七十曰老

輜輕也

詩曰德輜如毛

爾雅

卷之三

輕輶說文竝云輕車也詩駟鐵及烝民傳箋竝云輶也文選幽通賦注引曹大家曰輶德德輕而易行也

淺淺也

詩曰小戎淺收

淺者說文云不深也淺者詩小戎傳箋竝云淺也管子參患篇云甲不堅密與淺者同實尹知章注淺謂無甲單衣者又云將徒人與淺者同實尹注淺單也按單薄亦淺略也小戎釋文引韓詩云駟馬不著甲曰淺駟是管子注所本通作踐詩有踐家室傳踐淺也又通作翦旣夕禮云緇翦鄭注翦淺也今文翦作淺又聲轉為竊釋獸云虎竊毛謂之號貓郭注竊淺也今按不獨此也釋鳥說諸屬之名有竊藍竊黃竊

脂竊丹竝以竊為淺也

綯絞也

糾絞繩索

絞本切直之義又爲繩索之名喪服傳云絞帶者繩帶也是繩爲絞絞者交也雜記疏云兩股相交謂之絞是其義也絢者詩宵爾索絢正義引李巡曰繩繩之絞也是絢爲繩方言云車紂或謂之曲絢郭注絢亦繩名是也此注糾絞失之

訛化也

詩曰四國是訛

化者說文云教行也華嚴經音義上引珠叢云教成於上而易俗於下謂之化今按化與匕同說文云匕變也从到人然則化亦變易舊形之義也訛者吡之或體也說文云吡動也動作與變化義近故詩四國是吡傳吡化也通作訛節南山箋訛化也又通作譌方言云譌化也郭注譌化聲之轉也

跋躡也

詩曰狼跋其胡

躡躡也

詩曰載躡其尾

躡者獵之或體也獵有從旁陵獵之義不陵節之謂遜反遜爲獵獵猶捷也捷行出前也跋者跟之良音

也說文云跟步行獵跋也獵卽躡跋卽跟也說文跋
躡也一切經音義十五引聲類云狼跟顛跟也顛卽
躡跟亦跋是詩之狼跋卽狼跟俗作狼狽誤矣爾雅
跋當讀爲跟釋文跋蒲末反非也又云郭音貝是郭
正讀跋爲跟臧氏琳經義雜記廿九論之詳矣○踏
者說文云躡也中庸注同玉篇踏渠劫居業二切釋
文郭又音甲廣雅云踏代也更代與蹇義近蹇者躡
之段音也說文躡踏也引詩載蹇其尾通作蹇說文
蹇礙不行也詩正義引李巡
曰跋前行曰躡踏卻頓曰蹇

烝塵也

人衆所以
生塵埃

塵者釋詁云久也通作填詩倉兄填兮傳填久也又
通作寘寘與填同也烝者釋詁云衆此云塵者詩南
有嘉魚箋烝塵也塵然猶言久如也東山箋烝塵也
傳烝寘也常棣傳又云烝填也鄭箋古聲填寘塵同
東山箋亦云古者聲寘填塵同也是寘填俱塵之段
音烝塵亦語聲轉然則烝塵二字以聲爲義不須訓

詰詩桑柔正義引孫炎曰烝物久之塵郭注申之而云人衆所以生塵埃均爲失矣

戎相也

相佐助

相者釋詰云導也勸也戎者詩烝也無戎傳戎相也爾雅釋文戎本或作拔顧如勇反是拔與擁音義同擁與相義亦近

飫私也

宴飲之私

私者人之段借也說文引韓非曰蒼頡作字自營爲人通作私方言云私小也凡物小者謂之私然則私有纖嗇之意對公爲小也飫者說文作醕云私宴飲也文選注引薛君韓詩章句曰飲酒之禮下跪而上坐者謂之宴躡能者飲不能者已謂之醕躡通作飫說文餼燕會也詩飲酒之飫傳飫私也不脫屨升堂謂之飫正義引孫炎曰飫非公朝私飲酒也馬瑞辰曰飫有二義周語云王公立飫則有房烝親戚

宴饗則有餼烝又云餼以顯物宴以合好此立餼之
餼與燕異禮者也爾雅云餼私也說文餼燕食也韓
詩作餼此餼私之餼與燕異名同實者也餼私即楚
茨所云備言燕私傳謂燕而盡其私恩者耳毛傳餼
私也本爾雅為義又云不脫屣升堂謂之餼本周語
立餼為說蓋廣異義也箋云私者圖非常之事若議
大疑於堂則有餼禮焉是
以餼私即為立餼誤矣

孺屬也
謂親屬

屬者說文云連也釋名云續也恩相連續也孺者詩
和樂且孺傳孺屬也正義引李巡曰孺骨肉相親屬
也曲禮云大夫曰孺
人鄭注孺之言屬

暮暮也
暮然暮夜

暮者古字作莫說文云莫日且冥也按莫有二讀說
文之莫音慕故切爾雅之莫當音慕各切左氏莊廿

八年傳狄之廣莫小爾雅云莫大也宋咸注莫府言大也莫府卽幕府矣幕者說文云帷在上曰幕覆會案亦曰幕方言云幕覆也釋名云幕暮絡也在表之俛也又云煇繭曰莫莫幕也貧者著衣可以幕絡絮也然則釋名以莫爲幕爾雅以幕爲莫其義正同幕絡新序雜事二作莫絡古字通用推是而言詩維葉莫莫猶幕幕也內則注斂謂皮肉之上魄莫也魄莫猶幕絡也是爾雅古本作幕莫聲義相兼今本作幕暮傳寫誤改郭氏望文生義以幕爲暮夜聲義俱乖矣

煽熾也熾盛也

互相訓煽義見詩

熾者說文云盛也詩六月傳同煽者煽之或體也說文煽熾盛也引詩豔妻煽方處通作煽毛詩十月之交注引魯詩作閭妻煽方處又通作煽毛詩十月之交傳煽熾也是煽訓熾熾訓盛說文簡略故總曰煽熾

也盛

柢本也

謂根本

本者說文云木下曰本醞人注昌木昌蒲根是矣柢者說文云木根也士喪禮云進柢士虞禮記云載猶進柢鄭注竝云柢本也今文柢爲厖泉府云買者名從其柢鄭注注抵實柢字柢本也通作邸典瑞云四圭有邸鄭注引爾雅曰邸本也按釋器云邸謂之柢郭注根柢皆物之邸邸即底通語也又通作氏詩維周之氏傳氏本也周語云本見而草木節解韋昭注本氏也是氏柢同亢氏二星之閒名曰天根正以此也聲轉爲杜方言云杜根也東齊曰杜

窳閒也

窳窳閒隙

閒者釋文音閑或如字蓋因郭注閒隙故存此音即實非也閒暇也靜也寬也齊語云處士使就閒燕韋昭注閒燕猶清淨也楚辭招魂篇云像設君室靜閒安些王逸注空寬曰閒清靜寬閒也是皆閒音閑之

義也窕者上文云肆是淡肆之間也詩關雎傳窈窕
幽閒也毛蓋以窈爲幽窕爲閒皆本爾雅鄭箋幽閒
處淡宮亦申毛義唯有正義誤會鄭箋以爲幽閒淡
宮亦猶郭注誤會爾雅以爲窈窕閒隙胥失之也王
照圓詩經小記云窈意之幽也窕心之閒也其說是
矣爾雅釋文窈舍人本作跳云跳者躍之間此則師
授之異不可通於今本及毛詩

淪率也

使相率

率者當讀如律史記老莊申韓傳云大抵率寓言也
正義曰率猶類也然則率律聲同律類聲轉古皆通
用凡言相類或云替律或云一律或云大率是其聲
義俱通矣淪者詩淪胥以鋪無淪胥以亾無淪胥以
敗傳箋竝云淪率也淪或爲勳後漢書蔡邕傳注作
勳胥以痛勳帥也漢書敘傳注晉灼曰齊魯韓詩作
薰薰帥也是三家作薰毛作淪淪薰古音相近皆
有普徧之義故其字通淪率雙聲淪薰疊韻也

罹毒也

憂思慘毒

毒者廣雅云痛也惡也苦也罹者釋詁云憂也憂苦義相成

檢同也

模範同等

同者共也俱也皆也詩車攻傳齊也吉日箋聚也說文合會也聚亦合會之義皆俱共即齊之義也檢者禁也局也又法度也皆無同義錢氏荅問云檢當為僉郭本譌作檢今按小爾雅云僉同也是其證邵氏正義引詩僭始既涵鄭箋涵同也今按釋文涵鄭音咸韓詩作減从咸聲咸訓為同是鄭所本下文又云奔同也奔蓋也奔檢聲義又近洪頤煊引孟子狗彘食人食而不知檢漢書食貨志引檢作斂隸釋任伯嗣碑姦軌檢手檢即斂字也

郵過也

道路所經過

過者上文云逸譽過也過謂失誤凡非議人及罪責人亦爲過也劉者古本作尤文選弔屈原文注引健爲舍人爾雅注曰尤怨人也列子楊朱篇釋文引爾雅亦作尤過也是皆郵本作尤之證故詩載馳傳及四月箋又洪範五行傳注及論語爲政篇包咸注竝云尤過也俱本爾雅通作郵詩賓之初筵箋及王制注又晉語楚語注竝云郵過也是皆俗郵爲尤郭緣詞生訓以郵爲郵驛之郵誤矣然郵固俗聲尤字亦非正體依文尤當作詵詩俾無詵兮傳詵過也唯此爲正說文詵罪也引周書日報以庶詵今呂刑詵作尤載馳釋文尤本亦作詵綠衣釋文詵本或作尤是尤詵古通用

遜
遜也
謂逃

遜與遁同說文竝云逃也玉篇云退還也隱也經典遁遜通易下經釋文遜字又作遂爾雅釋文與易同遜又作遁矣遜者說文云遁也通作孫詩公孫碩膚箋孫讀當如公孫于齊之孫孫之言孫遜也正義

孫炎曰遁
逃去也

弊踣也

前僨僵也
御

踣者說文云僵也引春秋傳晉人踣之
趙僨也讀若匄是趙踣同爾雅之踣古
本作作說文云什頓也釋名云什踣也
頓踣而前也釋木釋文踣或作什是
什踣古字通弊者說文云頓什也或作
檀弓及表記注竝云弊什也左氏定八
年傳正義引釋言云弊什也又引孫炎
云前覆曰什釋文引同是皆爾雅古今
踣作作之證釋文弊字亦作弊玉篇弊
俗弊字○僵者說文云僨也僨僵也釋
名云僵正直僵然也然則僵什皆顛頓
之名但細分之什是前覆僵為卻僨
弊亦然故左氏隱三年傳鄭伯之車
僨于濟正義引舍人曰背踣意也按背
踣謂仰什即卻僨之意

眡眡也

謂眡絕

爾雅義疏二二釋言

也致與盡義亦近
致者釋詁云盡也
致者田界之盡也
上文云致致也
致與盡義亦近
致者田界之盡也
上文云致致也

曷益也

不益何

益者廣雅云何也玉篇云何不也通作益檀弓云子蓋言子之志於公乎鄭注蓋皆當為益益何不也今按蓋从益聲古字通用故秦策云蓋可忽乎哉蓋即益也又通作闔管子小稱篇云闔不起為寡人壽乎莊子天地篇云夫子闔行邪釋文闔本亦作益闔亦从益得聲也曷者說文云何也詩內曷字箋竝訓何通作害詩害澣害否不瑕有害傳箋竝云害何也苑柳及長發傳竝云曷害也經典多以害為曷故書時日曷喪孟子作時日害喪書大誥凡言曷漢書翟方進傳竝作害詩葛覃釋文害與曷同廣雅云害曷益何也害曷益俱一聲之轉

虹潰也

謂潰敗

潰者說文云漏也文選西都賦注引蒼頡篇云潰旁
決也詩召旻傳潰潰亂也虹者註之段僭也說文云
証讀也引詩曰蝻賊內証今召旻傳作証潰也抑傳
又作虹潰也爾雅釋文虹李本作降下江反今按降
古讀若洪水經河水東北過黎陽縣南注云尙書禹
貢曰北過降水不遵其道曰降亦曰潰說文云降水
不遵道玉篇胡公胡江二切又洛潰也胡公卽虹字
之音是洛與降同故李巡以降爲証酈注以洛爲降
說文証讀之讀云中止

階閭也

階然冥貌

階者說文云閉門也玉篇云幽也廣韻云冥也玉篇
與暗同階者玉篇與暗同釋文階字林或作暗同身
惑反一切經音義十二又以暗階二形爲古文暗字
者非也階於經典無見疑陰之別體也說文云陰閭
也錢氏荅問云階本當爲陰論語高宗諒陰鄭訓陰
爲閭說文亦訓陰爲閭皆據此文古書陰與音通左

傳鹿亦不擇音是也本借音爲陰後人妄加自旁景
純不援引經典而望文生義由於未通六書之旨

翻膠也

黏膠

膠者釋詁云固也固之言黏也黏訓黏也黏者當作
昵說文云膠昵也昵與暱同釋詁云暱近也暱近與
膠固義近聲借爲翻說文翻黏同云黏也引春秋傳
日不義不黏今左氏隱元年傳黏作暱考工記弓人
注杜子春引作不義不昵
云昵或爲翻是翻昵通

孔甚也

厥其也

夏禮也

謂常禮

夏者釋詁云常也秩亦常也禮爲天秩秩爲天
常故周禮大宰注禮經常所秉禮法常所守也

閤臺也城門

臺者門臺也禮器云不臺門古者天子諸侯門皆有臺城門亦然也閤者說文云闔閤也城內重門也爾雅以為臺者門有臺也故詩出其東門傳閤城臺也釋文引孫炎云積土如水渚所以望氣祥也郭義本毛傳詳見釋宮閤謂之臺

囚拘也

謂拘執

拘者說文云止也按止如晉人止公之止止猶執也說文輒捕罪人是也囚者說文云繫也詩泮水傳及周禮序宮掌囚注竝云囚拘也樂記云釋箕子之囚史記雷侯世家作釋箕子之拘集解徐廣曰拘一作囚是囚拘通古讀拘如鉤易說卦云艮為拘虞翻注拘舊作狗亦其例是囚拘以聲近為義也

攸所也

所者一切經音義二引三蒼云處也所又語詞所之言是也故公羊文十三年傳注黨所也所猶是齊人語也所又與許同文選在郡臥病詩云良辰竟何許李善注許猶所也按詩伐木許許說文引許許作所所是其證所許聲近所是聲轉也攸者經典俱訓所通作適說文作適云氣行兒讀若攸按漢書之攸多俗適爲之如地理志豐水適同九州適同五行志彝倫適敘彝倫適數竝以適爲攸也地理志注適古攸字

展適也

得白申展皆適意

適者一切經音義一引三蒼云悅也廣雅云善也善與悅皆快適之意展者釋詁云信也本以誠信爲訓亦兼屈信之義古屈伸字皆俗信爲之故展又訓伸也舒也方言云舒勃展也舒亦自伸適之義舒伸適又俱一聲之轉

鬱氣也

鬱然氣出

氣與气同鬱與鬱同鬱本香草以爲鬱鬯其氣芬芳故以氣言之一切經音義二引李巡曰鬱盛氣也詩雲漢釋文引韓詩云鬱隆炯炯素問至真要大論云諸氣贖鬱左氏定二年傳鬱攸從之杜預注鬱攸火氣也是皆鬱爲盛氣之義

宅居也

居者說文作尻云處也玉篇尻與居同宅者說文云所託也釋名云宅擇也擇吉處而營之也玉篇云人之居舍曰宅宅皆訓居說文訓託者託宅俱从乇聲故士相見禮注今文宅或爲託是託宅通又通作度方言云度尻也詩度之蓂蓂爰究爰度傳竝云度居也書何度非及史記周紀作何居非其宐是皆度訓居之證古書宅多作度故書宅而縫人注作度而詩宅是鎬京坊記作度是鎬京此維與宅論衡初稟篇

作此惟予度是皆宅作度之
證宅度古同聲度居聲又近

休慶也

慶者說文云行賀人也詩慶既令居祭統云作率慶
士箋注並云慶善也月令注慶謂休其善也休者釋
詁云美也美善義同故廣雅云休善也玉篇云休美
也福祿也慶善也然與休同周語云晉國有憂未嘗
不感有慶未嘗不怡又云爲晉休戚是休訓
慶也韋昭注以慶爲福休爲喜其義亦近

祈叫也

祈祭者叫
呼而請事

叫者說文云嘑也詩北山傳叫號呼召也叫與訓通
又與蹕通說文蹕訓並云大呼也祈者釋詁云告也
又訓叫者叫告義同故一切經音義九引孫炎曰
祈爲民求福叫告之辭也大祝注祈嘑也嘑卽叫

濬幽淡也

濬亦
淡也

澗者玉篇云邃也遠也濬者說文作容云澗通川也引虞書曰容畎澮距川或作濬古文作濬書濬哲文明正義引舍人曰濬下之澗也通作浚詩莫浚匪泉傳浚澗也穀梁莊九年傳浚沫者澗洙也幽者釋詁云微也微有澗藏之意故詩伐木傳幽澗也斯干傳幽幽澗遠也

哲智也

智者說文作智云識詞也釋名云智知也無所不知也哲者說文方言竝云知也書舜典正義引舍人曰哲大智也知智古字通智哲聲相轉經典哲亦多作智

弄玩也

尹正也

謂官正也皇匡正也詩曰四國是皇

正者釋詁云長也長亦君故廣雅云正君也詩傳箋竝云正長也是正兼官長君長二義尹者說文云治

也治亦董正之義故詩都人士傳及書益稷鄭注並云尹正也廣雅以尹為官官之正也說文从尹為君君之正也君尊所以尹正天下者也故經典君尹二字通○又言正者釋詁云董督正也說文云正是也士冠禮注正猶善也玉藻注正直方之閒語也是正又兼直方二義皇者君之正也釋詁皇為君又為美美善同意君尹同尊皆正之義故詩漸漸之石箋皇王也王即君君即正矣匡者玉篇云方正也方直皆正之訓故詩六月箋及夏官序官匡人注並云匡正也匡皇聲近故詩破斧傳皇匡也詩考引董氏云皇齊詩作匡是匡皇同毛傳以皇為匡本於齊詩其義互相證明也

服整也

服御之令齊整

整者說文云齊也文選東京賦注整理也服者釋詁云事也事之整也詩服之無斃好人服之鄭箋並云服整也按整之言治也今俗猶言整治箋義亦以整為治郭以服御為言失之

聘問也

見穀梁傳

問者說文云訊也詩女日雞鳴傳問道也按道謂道說猶今問候人道萬福道勝常也聘者說文作媯云問也通作聘云訪也訪亦問故詩靡使歸聘傳聘問也郭引穀梁隱九年傳同

愧慙也

極誅也

書曰鯀則極矣

誅者說文云討也曲禮注罰也太宰注責讓也今按誅有二義左氏莊八年傳誅屨於徒人費襄卅一年傳誅求無厭此皆以責讓為義也易雜卦云明夷誅也釋文引荀云誅滅也陸韓云傷也秦策云使復姚賈而誅韓非此皆以殺戮為義也以殺為義則誅與殊同極者說文云殊也引虞書曰極鯀于羽山段氏玉裁說文注謂爾雅極當作極今略採其說云尙書鯀則極矣釋文極本作極我乃其大罰極之釋文極

本作極毛詩致天之屆鄭箋屆極也罰極約於商郊
牧野正義屆極釋言文釋言又云極誅也武王致天
所罰誅紂於牧野定本集注極皆作極極是殺非也
據此箋疏可證爾雅是極非極又苑柳後子極焉鄭
箋極誅也正義曰極誅釋言文此又一證又周禮八
柄廢以馭其罪鄭注廢放也舜極鯀于羽山是也又
昭七年左傳晉堯極鯀於羽山釋文極本又作極此
又兩證又魏志武帝紀致屆官渡裴注引鴻範鯀則
極歛作極可證又鄭志答趙商鯀放居東裔非誅歛
左傳說流四凶族投諸四裔而已舜實未嘗殺鯀而
鯀歛於放所作極鯀者爲正極爲段借字極窮
也窮與誅義相足說文曰誅討也討不必殺之

克能也

翌明也

書曰翌日乃瘳

翌者昱之段音也說文云昱明日也玉篇作日明通
作翌廣韻翌明日也漢書武帝紀云翌日親登嵩高

應劭注翌明也書王翼日乃瘳郭引翼作翌
越翼日癸巳漢書律曆志作若翌日癸巳

訥訟也
言訟

訟者說文云爭也易訟釋文言之於公也然則訟之
爲言猶公也史記呂后紀云未敢訟言誅之訟言猶
公言也訥者說文作詢或省作訥云訟也詩降此鞠
訥不告于訥傳箋竝云訥訟也釋詁云訥盈也盈謂
發言盈庭亦爭訟之義通作訥荀子天論篇云君子
不爲小人訥訥也輟行楊倞注訥訥喧譁之聲與訥
同又通作兇素問移精變氣論云麤工兇兇接訥說
文或作說是素問兇卽說之省荀子訥亦詢之省矣
訥訟以聲
爲義也

晦冥也

冥者上文云幼也說文云幽也易豫釋文引馬云冥
昧也詩斯干箋冥夜也晦者說文云月盡也月盡則

炎闇昧故詩酌傳晦昧也昧則幽昏故風雨傳晦昏也昏昧皆冥之義故公穀僖十五年傳竝以晦爲冥也冥讀如字釋文亾定反

奔走也

走者說文云趨也釋名云疾趨曰走走走奏也促有所奏至也奔者說文云走也釋名云奔變也有急變奔赴之也按釋宮云中庭謂之走大路謂之奔是奔走異經典則同故呂覽權勳篇云齊王走莒走即奔也晉語云見王必下奔奔即走也說文奔走字皆从天故奔走同意

邊還也

外傳曰已復於事而邊

還者說文作復云卻也檀弓注去也鄉射禮注少還少邊遁也聘禮注三還三邊遁也玉藻注俛邊遁而還箸履也遁皆與巡同鄭俱本爾雅爲訓也邊者說文云復也復即復字形近而譌玉篇邊巡也還也御

也廣韻逡巡退也皆用爾雅可證矣方言云逡循也
循與遁古音同遁有去義故或言逡遁或言逡循又
言逡巡竝古字段借皆言卻退不進也漢鄭固碑云
逡遁退讓正與此合山陽太守祝穆後碑云鄉黨逡
逡今論語作恂恂亦退讓之義也齊語云有司已於
事而竣韋昭注竣退伏也文選東京賦云已事而竣
薛綜注竣退也是
竣竣皆逡之段借

躓

頓躓
倒什

上文云躓踣也躓踣也踣與什躓與躓
俱聲義同釋文什音赴亦踣之聲變

亞次也

次者說文云不前不精也玉篇云敘也近也敘近皆
次第之義特性饋會禮亞獻尸注次猶貳也按次从
二聲二與貳同其義又爲副貳矣亞者說文引賈侍
中說以爲次第也經典亞皆訓次通作惡易繫辭云

而不可惡也釋文惡於嫁反荀作亞亞次也尚書大傳云王升舟入水鼓鐘惡觀臺惡鄭注惡讀爲亞亞也

諗念也相思念

諗者詩四牡傳念也箋云告也說文云深諫也引春秋傳辛伯諗周桓公鞅二諫告與念不同者念爲心中諷誦與諫告之義相足成故以告諫爲念也說文諗从念聲念从今聲是念古音奴枕切與諗聲近今奴店切則與諗聲較遠

屆極也有所限極

極者釋詁云至也至亦極也屆者釋詁作艘而訓至說文云屆極也本此爲訓詩內屆字傳箋或訓至或訓極至極其義同也屆亦借爲戒詩旣戒旣平傳戒至也至卽極戒卽屆矣屆極一聲之轉

弁同也

詩曰奄有龜蒙

弁蓋也

謂覆蓋

同者上文云檢同也此云弁同者弁訓覆蓋與同義近故又為同也洪頤煊引考工記冕氏侈弁之所由興弁謂鐘口歛歛即檢故檢弁皆訓同矣通作奄詩奄有四方傳奄同也又通作掩方言云掩同也文選高唐賦云越香掩掩李善注掩同也○蓋者說文作益云覆也通作蓋玉篇云掩也釋名云蓋加也加物上也弁者說文云蓋也詩閟宮正義引孫炎曰弁覆蓋亦覆之義按釋魚說龜云前弁諸果後弁諸獵是弁為覆蓋也通作奄上文云蒙荒奄也郭注奄奄覆也又通作掩文選懷舊賦注引埤蒼云掩覆也說文作揜覆也禮器云豚肩不掩豆聘義云瑕不揜瑜俱以揜為覆蓋也又與盥同說文盥覆蓋也玉篇云於含切是盥弁聲義同奄訓蓋者墨子曰周公旦非關叔辭三公東處於商蓋韓非子曰周公旦將攻商蓋辛公甲曰不如服衆小以劫大乃攻九夷而商蓋服矣商蓋即商奄也以奄訓蓋因而僭奄為蓋見段氏

說文注
郇篆下

恫痛也

詩曰神
罔時恫

痛者說文云病也廣雅云傷也傷與傷同方言注痛
怨痛也恫者說文云痛也一曰呻吟也匡謬正俗云
今痛而呻者江南俗謂之呻喚關中俗謂之呻恫太
原俗謂恫喚云通喚此亦以痛而呻吟其義一也又
引爾雅郭音呻恫音通亦音恫字或作恫所引卽郭
音義之文也說文引詩作神罔時恫云恫大兒與郭
音同義異詩思齊傳本爾雅桑柔云哀恫中國史記
燕世家云百姓怨恫皆以恫爲痛也桑柔釋文恫本
又作痾痾蓋恫
之或體見玉篇

握具也

謂備
具

具者釋詁云供峙其具也握者釋文引李本作幄云
居位處之具也今按幄說文作握云木帳也釋名云

帳張也然則張施陳設與供具義近通作屋詩夏屋
箋屋具也正義云釋言文又通作握易萃云一握爲
笑釋文引鄭云握當讀爲夫三爲屋之屋周禮巾車
云組總有握釋文握劉音屋馬本作幄是幄握屋俱
古字
通

振訊也

振者
奮迅

訊者迅之段借也振者說文云奮也文選甘泉賦注
引韓詩章句同振奮卽振訊故廣雅云奮振也又云
奮訊也訊卽迅故樂記汪奮迅也管子勢篇云大周
之先可以奮信信亦迅也迅爲正體信訊俱段音故
詩雄雉七月釋文及樂記公羊莊八年釋文並云訊
本作迅迅訓疾疾有奮厲之意與振動義近振迅之
聲又
近也

闕恨也

相怨
恨

恨者當作很玉篇云很戾也諍訟也一切經音義三
引國語注很違也違戾其義同鬪者說文云恆訟也
引詩兄弟鬪于牆从門从兒兒善訟者也詩常棣傳
鬪很也曲禮注很鬪也是毛鄭俱作很爾雅釋文引
孫炎亦作很云相很戾也很音戶懇反左氏僖廿四
年傳正義引釋言亦作鬪很又引李巡本作恨云相
怨恨郭注從李巡今按很很聲近義雖
相成但作根於義爲長郭從李非也

越揚也

謂發揚

揚者說文云飛舉也易揚于王庭鄭注揚越也越者
踰也踰舉足故爲揚聘義云叩之其聲清越以長鄭
注越猶揚也周語云汜越九原又云以揚沈伏而黜
散越韋昭注竝云越揚也詩對越在天對越卽對揚
猶云對揚王休也鄭箋對訓配越訓於似失之又干
戈威揚傳揚鉞也揚鉞卽揚越本爾雅爲訓也越鉞
聲同越揚聲轉鉞字古止作戊與越通用明堂
位云越棘大弓越卽戊也鄭注以爲國名恐非

對遂也

詩曰對揚王休

遂者申也進也達也通也俱與對答義近文選注引春秋孔演圖宋均注云遂道也道亦進達之意閒居賦注引聲類云遂從音也穀梁傳云遂繼事也繼從與當對之義又近矣對者詩以對于天下對揚王休流言以對毛傳竝云對遂也祭統云對揚以辟之鄭注亦云對遂也對遂古音相近以聲為義也廣韻云對揚也對訓揚所未詳

燬火也

詩曰王室如燬燬齊人語

火者古讀如喜左氏襄卅年傳或叫於宋大廟曰禧禧出出鳥鳴於亳社如曰禧禧禧即火火之聲也詩七月流火與九月授衣韻是皆火讀如喜之證又讀如毀說文燬火互訓明其聲同釋名云火化也消化物也亦言毀也物入中皆毀壞也詩七月流火與八月崔葦韻是皆火讀如毀之證二讀實一聲之轉

也今音又轉爲呼果切故詩汝墳釋文引郭璞燬又音貨是今音矣詩正義引李巡云燬一名火爾雅釋文引作燬一音火孫炎云方言有輕重故謂火爲燬此皆以音讀爲訓於義亦通燬說文引作焜字異音同方言云燬焜火也楚轉語也猶齊言焜火也周禮序官司焜氏注焜讀如衛侯燬之燬是燬焜同說文以焜爲燬之重文與鄭異

懈怠也宣緩也

謂寬緩

懈怠宣緩竝以聲爲訓也懈怠郭氏無注一切經音義十八引集注云職鞅有懈者極也怠者懶也今按極謂疲劇也懈怠與賣苔聲近今登萊人謂懈惰爲賣苔匡謬正俗云怠懈之字通有苔音是也懈解古字通故易序卦云解者緩也廣雅云懈緩也是懈怠與宣緩義同○緩者說文云綽也釋名云緩浣也斲也持之不怠則動搖浣斲自放縱也是緩有縱弛之義下文云舒緩也寬綽也其義同宣者說文作

緇云緩也樂記云其聲擘以緩擘字亦段音說文作
縑云帶緩也又云縑偏緩也音義皆相近宣無緩義
經典亦無此訓宣與緇俱从
亘聲爾雅蓋俗宣為緇矣

遇偶也

偶爾後
值遇

偶者偶爾言不常也遇者逢也言不期而相值逢遇
已見釋詁又訓偶者偶遇聲同也大宗伯注遇偶也
欲其若不期而偶至交選注兩引爾雅竝作偶遇也
一切經音義二亦引作偶遇也釋名云耦遇也二人
相對遇也耦與偶同然則爾雅古本或作偶遇但偶
遇遇偶二義俱通遇偶俱从禺聲古音荏侯部是二
字聲
義同

曩也

國語曰曩
而言戲也

曩者說文云不久也玉篇云少時也莊子秋水篇云
證曩今故釋文引崔注曩往也華嚴經音義下引珠

叢云曷謂往時也曷者說文云曷也釋詁云久也爾雅以曷為久說文以曷為不久其義兩通故檀弓云曷者爾心或開予是曷為未久之詞文選北征賦云豈曷秦之所圖是曷為久詞其義則皆為曷也郭引晉語交韋昭注曷向也北征賦注亦云曷猶向時也向與曷音義同又作嚮或作鄉竝古字通也曷之聲轉為乃趙策蘇秦謂趙王曰秦乃者過柱山漢書曹參傳云乃者我使諫君也集注乃者猶言曷者是曷乃聲轉義同也乃與迺迺又通說文云迺往也一切經音義十八引蒼頡篇云迺往也往與曷其義同曷為曷日亦為往日往屬曷俱字之疊韻

惶暇也

詩曰不遑啟處

暇者說文云閑也與閒同左氏襄八年正義引舍人曰閒暇無事也通作假書須夏之子孫詩皇矣箋須夏作須假釋文假戶嫁反本又作暇正義引書多方鄭注夏之言暇也詩昭假晞晞箋亦以假為暇矣惶

者經典通作遑皆皇之或體也皇與假俱訓大又俱
為暇其義實相足成後人見經典皇暇之皇皆作遑
遂以遑為正體遑變作惶又省作惶反以皇為通俗
殊不知書云則皇自敬德表記云皇恤我後皇皆訓
暇又左氏襄廿五年傳皇恤我後昭七年傳社稷之
不皇襄廿六年及哀五年傳不敢怠皇是皆遑作皇
之證襄廿九年正義引李巡曰遑閒暇也詩殷其雷
釋文遑本或作惶爾雅釋文亦云遑或作惶通作皇
是陸德明亦不知皇為本字矣
暇古讀如戶隍暇一聲之轉

宵夜也

說文云夜舍也天下休舍也又云宵夜也司寤氏注
宵定昏也書堯典正義及爾雅釋文並引舍人曰宵
陽氣消也

懊忤也

謂夢

惕貪也

謂貪

忼者說文云貪也引春秋傳忼歲而漱日左氏昭元
 年傳文晉語作忼日而漱歲韋昭注以忼愉漱遲為
 訓其說未明杜預注謂翫渴皆貪是也翫與忼渴與
 漱竝古字通易繫辭云所樂而玩者釋文引馬云玩
 貪也鄭作翫易翫玩竝忼之段音矣懊者玉篇云於
 六切貪也忼五亂切貪也夢也是忼懊聲相轉○貪
 者說文云欲物也釋名云貪探也探取入他分也渴
 者說文以為憩字其引左氏作漱云欲飲也欲飲欲
 物其義俱為貪也王篇渴居例切貪羨也按居例乃
 憩字之音渴本漱之通借當苦葛切爾雅釋文渴苦
 益反此音是矣

檣柱也
相檣

柱者說文云楹也玉篇訓楹者音雉縷切訓塞者音
 株主切塞謂檣塞即檣柱之義也檣者說文云柱砥
 古用木今以石王篇云檣柱也釋文檣柱作檣柱俱
 从手旁非也檣通作支周語云天之所支不可壞也

韋昭注支柱也又通作枝莊子齊物論篇釋文引司馬云枝柱也然則枝柱猶言枝梧省作支吾皆相撐持之義也楮柱之聲又相轉

裁節也

節者止也有儉省之意故賈子道術篇云費弗過適謂之節釋名云節有限節也裁者制也有減損之義易云后以財成天地之道鄭注財節也釋文財荀本作裁

竝併也

詩曰竝坐鼓瑟

併者并也竝者比也說文併竝互訓二字音同經典通用故儀禮注今文竝皆為併又云古文竝皆作併

率旣也

已旣

旣者如春秋日會旣之旣公穀桓三年傳竝云旣盡也詩汝墳傳旣已也鄉飲酒禮注旣率也率者釋詁

云盡也

槽慮也

謂謀慮也

慮者釋詁云謀也思也槽者說文云慮也玉篇云謀也又慮也釋文云槽音囚字書作棕按玉篇槽字雖有囚音又姐冬切卽棕字之音然玉篇既本說文別出棕字云樂也一曰慮也是棕槽字異音義同說文則二字異矣

將資也

謂資裝

資者齋之段音也說文云齋持遺也外府注齋行道之財用也掌皮注齋所給予人以物曰齋小祝注齋猶送也莊子列禦寇篇云萬物爲齋送是齋訓送與將義同將者上文云送也送卽持遺之義將齋又一聲之轉齋通作資外府注鄭衆云齋或謂資典婦功及典衆注竝云故書齋爲資莊子德充符篇云不以

翼資釋文引李云資送也是俗資爲齋其證甚明
爾雅之資亦齋之通俗郭訓資裝與將義遠矣

蒞絨也

今人呼縫絨衣爲蒞

絨者說文云縫也廣雅云納也急就篇注納刺謂之絨按今時亦呼縫絨爲納也方言云絨衣謂之襍秦謂之綴又云敝而絨之謂之襍襍又云其敝者謂之綴郭注綴縫納敝故名之也然則綴與絨同矣蒞者說文云箴縷所絨衣又云蒞絨衣也玉篇蒞或作蒞是蒞蒞同俗作絨書云絨繡鄭注絨讀爲蒞蒞絨也司服注引作希繡云希讀爲絨或作蒞

遞迭也

更迭

迭者說文云更迭也文選西都賦云更盛迭貴通作迭方言云更迭代也穀梁文十一年傳兄弟三人侯宕中國范甯注侯猶更也遞者說文云更易也書益稷正義引李巡云遞者更迭呂覽蕩兵篇云遞興遞

廢西京賦云遞宿迭居是遞
迭同遞迭雙聲亦兼疊韻

知況也

況

況者兄之段音也詩倉兄填兮傳兄滋也職兄斯引
傳兄茲也常棣出車傳箋又云況茲也是況兄茲滋
俱音義同古字通用況訓為滋滋訓為益既已如是
況又如是即為滋益之詞又為誓況者凡誓況之詞
皆於此詞之外有所增益故也古讀兄為荒與況同
音白虎通云兄者況也況父法也管子大匡篇云兄
與我齊國之政也修葦嶽碑云兄乃盛德皆以兄為
況也故詩常棣釋文況或作兄桑柔釋文兄音況本
亦作況陸德明既知兄本作況而於常棣或作兄
又以為非蓋不知毛詩古文況俱作兄常棣出車二
詩作況由人妄改陸氏習其讀而忘其義也兄既通
況又通皇故書云無皇曰漢石經作無兄曰尚書大
傳云皇于聽獄乎鄭注皇猶況也是皆音同段借字
耳矧者疾之或體也說文云矧況詞也从矢引省

今經典通作矧不省玉篇又作攷亦或體字也經典凡矧俱訓況廣雅云矧長也方言云攷長也長與益義近矧之訓爲長亦猶兄之訓爲長矣況之訓爲益亦猶兄之訓爲滋矣是皆古義之展轉相通也

廩廩也

或記云卽倉廩所未詳

廩者玉篇云倉也廩也廩者說文作尙云穀所振入宗廟粢盛蒼黃尙而取之故謂之尙或从广稟是廩爲或體經典俱作廩詩豐年傳廩所以藏盭盛之稔也地官序官廩人注盛米曰廩按毛云藏穗鄭云藏米二說不同要爲倉之總名故豐年釋文廩倉也是矣爾雅釋文引舍人云廩少鮮也孫炎云廩藏穀鮮潔也是孫炎及舍人俱以廩爲鮮或取鮮少或取鮮潔可知古本廩止作鮮後人淺俗妄以意作廩耳郭云未詳蓋以經典無廩字故也若作鮮鮮訓少也廩亦少意故公羊文十三年傳羣公廩何休注廩者連新於陳上財令半相連爾鄭氏易注引作羣公濂濂猶廉也廉亦少意是廩爲鮮少之名釋名云廩矧也

矜憐亦少之義與舍人合然則廩訓爲鮮其證明矣

逭逃也

亦見禮記

說文云逃亡也逭逃也書大甲正義引樊炅云行相避逃謂之逭郭云見禮記者緇衣引大甲文鄭注用

爾雅

訊言也

相問

言者對語之稱則直言曰言對訊之稱則相問爲言廣雅云言問也曲禮君言不宿於家鄭注言謂有所問所問也聘禮若有言鄭注有言有所告請若有所問也家人云言鸞車象人鄭衆注言言問其不如灋度者是皆言訓問之證釋名云言宣也宣彼此之意也然則自言與問人通謂之言矣訊者說文云問也經典訊多訓問問亦言也故詩出車箋及小司寇司刺注竝云訊言也出車傳又云訊辭也辭與言同然則

訊言卽訊問詩執訊獲醜卽執言而問也小司寇用情訊之卽以言推問也司刺訊羣臣亦訊言訪問也玉篇廣韻竝云諄言也諄訊聲轉古字通用已詳釋詁諄告也下

閒覘也

左傳謂之謀今之細作也

覘者說文云警諭也一曰閒見本爾雅爲訓也詩覘天之妹韓詩覘作磬云警也又說文所本矣閒者釋詁云代也閒謂空隙居其中則爲閒代出其外則爲閒見閒見猶言不常見也凡警況之詞必取非常所見故云罕警而諭方言謂之代語覘妨說文謂之閒見其義一也郭訓閒爲謀非矣閒覘雙聲疊韻觀爾雅釋詩當覘在閒上今本誤倒耳

沆沆也

水流

說文云沆莽沆大水也風俗通云沆者莽也言其平望莽莽無涯際也一切經音義七引通俗文云水廣

大謂之漭沆也。沆者，說文云轉流也。讀若混楚辭哀
歲篇云流水兮。沆沆，王逸注云沆流。按沆流卽轉
流。沆讀若混亦與沆爲雙聲。

干扞也

相扞 衛

扞者說文云枝也。玉篇云衛也。與捍同。華嚴經音義
下引聲類。扞作捍。通作敦。書汝多修扞我于艱。說文
引作敦。我于艱云敦止也。止有禁禦之義。與衛義同
也。干者戰之段。俗也。說文云敦盾也。經典俗作干。詩
兔置采芑傳。竝云干扞也。公侯干城。左氏成十二年
傳引又曰。此公侯之所以扞城其民也。書正義及詩
釋文竝引孫炎曰。干楯所以自蔽扞也。
說文云盾所以扞身蔽目。是孫義所本。

趾足也

腳 趾 別也 足 斷

釋名云足續也。言續脛也。廣雅云滿也。止也。卽玉切
又將喻切云添物也。按添物與滿止義亦相成。故老

子上下云常德乃足河上公注足止也趾者說文作止云下基也象艸木出有趾故以止爲足士昏禮云北止鄭注止足也古文止作趾海內經云渠股豚止漢書禮樂志云獲白麟爰五止皆以止爲趾也老子下云知足不辱知止不始詩相鼠釋文引韓詩云止節亦卽止足之義經典止趾通用故釋名云趾止也言行一進一止也趾足聲相轉○別者跂之段俗也說文云跂斷足也或从兀作跂別絕也經典俱俗別爲跂故書呂荆正義引李巡云斷足曰跂也莊子養生主篇釋文引崔云跂斷足也跂者說文云跂也讀若匪通作荆釋文跂本亦作荆經典俱以荆爲跂益或體字也

襄駕也

山襄陵

駕者加也玉篇云上也廣雅云乘也小爾雅云凌也凌與陵乘與乘同左氏昭元年傳猶詐晉而駕焉杜預注駕猶陵也然則駕取乘陵之義乘陵亦加上之言不獨馬在軌中稱駕矣襄者驥之段俗也說文云

驥馬之低仰也玉篇云驥駕也超也低仰也廣韻云驥馬騰躍又速也低昂也馳駕也是襄駕之襄當作驥省作襄故詩兩服上襄終日七襄鄭箋竝云襄駕也史記趙世家正義云襄舉也上也文選西京賦注襄謂高也高上舉皆駕之義即驥字之訓故文選琴賦云參辰極而高驥李善注驥與襄同

忝辱也

煖煖也

今江東通言煖

煖者說文與煖竝云溫也玉篇云煖煖同又暎暖同蓋即煖煖之或體又云煖乃管切煖火園切分爲二音非也煖从爰聲煖从奐聲二字音同與煖相轉今讀煖乃管切煖於六切其音遂不復通矣煖者說文云熱在中也詩無衣傳煖煖也小明傳奧煖也奧與煖同書云煖若史記宋世家作奧若洪範正義引舍人曰煖溫煖也

塊塤也

土塊也外傳曰枕由以塤

塤者說文云由也由璞也由或从鬼作塊又云璞由也璞或从卜作卣吳語云涓人疇枕王以璞郭引璞作塤塤璞義同注作由字形之誤也既夕記疏引孫炎云塤土塊也

將齊也

謂分齊也詩曰或肆或將

齊者少儀注和也亨人注齊多少之量酒正注齊者每有祭祀以度量節作之文選長笛賦注齊分限也然則齊有限節之義又有和調之義故會醬所掌食飲羹醬皆謂之齊齊之為言劑也劑亦兼調劑分劑二義故漢書藝文志云百藥齊和集注齊與劑同是矣將者上文云資也又訓齊者齊資與將俱以聲轉為義詩或肆或將傳將齊也正義及爾雅釋文並引王肅云分齊其肉所當用也又既齊既稷釋文齊鄭音資一音才細反謂分齊也皆與郭義合

餽餽也

也

餽者說文云糜也糜訓糝與鬻別而亦以為鬻之通名說文鬻健互訓鬻即粥字今讀若周此古音也說文餽云周謂之餽宋謂之饘麻糙雜爨饘與健同健是鬻之稠者內則釋文餽厚粥也然則爾雅之餽當作健矣餽者鬻之段音也說文鬻健也鬻健即餽餽說文餽訓寄會與餽義別王篇鬻或作糊糊即餽之或體是

啟跪也

小

跪者說文云拜也釋名云跪危也兩膝隱地體危隄也玉篇及文選月賦注並引聲類云跪跪也啟者跪之段音也說文云跪長跪也史記滑稽傳云希韞鞠臆集解徐廣曰臆與跪同謂小跪也索隱曰臆音其紀反與跪同音謂小跪是臆即跪也經典俗作啟詩四牡采薇傳箋竝云啟跪也左氏襄八年及廿九年

正義並引李巡曰啟小跪也是郭所本注小跪亦當作小跪釋名云起啟也啟一舉體也按一舉體卽小跪之義

瞞密也

謂緻密

密者緻也說文云緻密也釋名云密密也如蜜所塗無不滿也瞞者說文作瞞云目旁薄緻也按薄緻謂文理緻密也猶縣縣說文云縣聯微也釋訓孫炎注絲縣言詳密也文選洛神賦注縣縣密意也是縣密卽瞞密俱雙聲字

開闢也

書曰闢四門

袍襦也

左傳曰重襦衣裘

襦者說文云袍衣也以絮曰襦以縕曰袍引春秋傳盛夏重襦左氏襄廿一年傳文也今左傳及經典俱

省作繭玉藻云纁爲繭縕爲袍鄭注繭袍衣有著之
異名也爾雅釋文繭本亦作繭絛衣也袍者釋名云
袍丈夫著下至跗者也袍苞也苞內衣也婦人以絳
作衣裳上下連四起施緣亦曰袍義亦然也方言云
褒明謂之袍按古人以袍爲裏衣故嗷大記云袍必
有表不禪鄭注袍褻衣詩與子同袍與與子同澤對
箋亦云澤褻衣然則袍繭俱私褻之服左傳言重繭
衣裘亦非禪服公羊哀十四年傳涕沾袍蓋謂霑溼
裏衣何休注以袍
爲衣前襟誤矣

障眡也

謂壅障

眡者說文云井田閒陌也文選東京賦注引宋衷太
玄經注眡界也詩載芟傳眡場也場障聲義近也障
者說文云隔也釋文又界也然則障眡皆有界限之
義界限所以隔別也文選北征賦注引蒼頡篇云障
小城也按城垣爲限與田陌爲
界其義亦近障眡又一聲之轉

醜媿也然面媿

媿者說文云面醜也醜蓋媿字形譌詩何人斯正義引作面醜是也方言云媿媿也媿媿聲轉又云媿媿也媿媿亦聲轉也媿者詩傳用爾雅說文云面見也詩正義引作面見人無也字若依舍人注說文面見當爲面兒亦字形之誤也越語云余雖媿然而人面哉韋昭注媿面目之貌是媿爲面兒故釋文引舍人云媿擅也一曰面貌也謂自專擅之貌玉篇云媿慙貌又引埤蒼醜同媿亦見說文又引字書醜醜竝媿之或體也媿訓媿者釋文引孫李云媿人面媿然也方言云楚鄭或謂狡媿爲媿媿猶媿也凡小兒多詐謂之媿是李孫義同所引方言臧鏞堂爾雅漢注定爲孫引也

糜糜也淖

糜

糜者說文訓糝糝以米和羹一曰粒也蓋以米和羹爲糝也采糝爲糜糜糝通名故釋名云糜糝米使

糜爛也粥淖於糜粥粥然也鬻者經典省作粥而訓糜王篇粥糜也既夕禮云鬻粥鄭注粥糜也粥皆鬻字之省左氏僖廿八年昭七年正義及釋文竝引孫炎云鬻淖糜也是郭所本上文餽饘郭云糜也此云淖糜然則四者同類而異名稱者曰糜淖者曰鬻今俗語猶然也又左傳正義俱連引餽饘鬻糜二文今隔別者或傳書者誤分之

舒緩也
謂遲緩

上云宣緩也此云舒緩者舒宣聲轉釋詁舒兼敘緒二義詩傳舒兼徐遲二訓實則其義俱為緩也通作紓說文及詩采菽傳竝云紓緩也

翯翯也
今之羽葆翯也
翯翯也
舞者所以自蔽翯

翯者翯之別體也說文云翯翯也所以舞也引詩曰左執翯君子陽陽傳翯也翯也釋文翯俗作翯爾

雅釋文麤字又作翳是麤古本作翳今作麤俗作麤
耳詩正義引孫炎云麤舞者所持羽也翳者無正體
經典作翳爾雅宋本作翳玉篇云翳也翳翳也翳
翳並同郭云羽葆幢者雜記云匠人執羽葆御柅鄉
師注引作執翳以御柅鄭眾注翳羽葆幢也爾雅曰
麤翳也詩宛工傳及方言並云翳也釋名云翳陶
也其貌陶陶下垂也詩正義引李巡云翳舞者所持
麤也是翳翳音同字通又通作翳廣雅云幢謂
之翳○翳又訓翳者翳
蔽也說文翳攀蓋也

隍壑也

城池空者為壑

壑隍釋詁並云虛也隍又訓壑者隍壑雙聲詩韓奕
正義引舍人云隍城池也壑溝也李巡云隍城池壑
也

芼搯也

謂拔取菜

舉者說文作擣云拔取也方言云擣取也南楚曰蹇是擣擣俱擣之或體釋文引郭音義云本又作毛蹇俱段借字耳筆者亦段借字說文現擇也讀若苗玉篇引詩左右現之現擇也本亦作筆是筆現通詩關雖傳筆擇也正義引孫炎云皆擇菜也又引某氏云蹇猶援也援引與擇義近儀禮及內則注筆菜也說文筆艸覆蔓皆非爾雅之義

典經也威則也

威儀可法則

典則釋詁竝云常也經本經緯之字又借爲常也道也法也皆與典義合故釋名云典鎮也制教法所以鎮定天下經徑也常典也如徑路無所不通可常用也大宰注典常也經也灋也皆其義也○則者釋詁云法也威者詩有容傳威則也按威之言畏法則人所畏古讀君若威君人所畏而法則也郭注但云威儀可法似疏矣

苛姤也

多煩苛者

姤者說文云妒也苛者方言云怒也怒妒聲義俱近
苛姤聲轉義又相成故以為訓方言斷苛怒也小怒
曰斷陳謂之苛是苛斷與苛姤同又內則注苛疥也
聲義亦近疥瘡也亦煩苛多嫉怒也斷者齒相切也
此皆詁訓之相通者

芾小也

芾者小貌

芾即市字市市媚芾本蔽鄴之名經典作芾借為蔽芾
韜芾之字而訓小會意釋詁云蔽微也微亦小故說
文云蔽蔽小艸也是蔽芾俱有小義故詩甘棠傳蔽
芾小貌易豐釋文引子夏傳芾小也通作芾詩卷阿
傳芾小也蔽芾甘棠韓詩外傳作蔽芾甘棠芾又訓
蔽蔽芾皆以微遮為義亦猶蔽芾皆以微小為義也
蔽芾二字疊韻

迷惑也

狃復也

狃快復為

復者又也重複之義狃者徠之段借也說文云徠復也玉篇云習也快也或與狃同經典俱作狃詩大叙于田傳狃習也箋云復也小爾雅云快也按魯語云夕而習復是習復同義快齷慣習也釋文引李巡云狃能屈申曰復臚詩正義引孫炎云狃快前事復為也郭與孫同復疇歟狃以聲近為義也說文狃犬性驕也與慣習義亦近

逼迫也

般還也

左傳曰般馬之聲

還者與旋同回也轉也圍也便也經典旋與還多通用般者說文云偁也象舟之旋按周旋本此周舟古

班賦也

與謂布

字通齊華周字還亦作華舟是其證也易夷于左股
釋文引馬王肅作般云旋也日隨天左旋也是股般
形近而義亦通又吳語云將還玩吾國於股掌之上
股亦當為般今俗呼掌為巴掌即般掌之聲轉推之
易云盤桓即般還也還亦音環故爾雅釋文還音
旋或音環般郭音班一音蒲安反俱兼二音是也

賦者上文云量也說文云斂也詩烝民傳又云賦布
布即班聲之轉布猶鋪也敷也皆與班義近也班者
說文云分瑞玉廣韵引同玉篇引云分瑞也無玉字
蓋本書班瑞而為說周語注班分也方言云列也小
爾雅云次也廣雅云序也序次分別皆賦布之意故
周語云其適來班貢韋昭注班賦也一切經音義十
四引李巡云班徧賦與也書舜典正義引孫炎云謂
布與也按班有徧義故李巡以班徧為言徧與辨同
士虞禮記注古文班或為辨公羊僖卅一年傳注班
者布徧還之辭與李巡合通作頒小爾雅云頒賦布

也祭義注頌之言分也文選馬汧督誅注頌與班古
字通又與盼同王制注名山大澤不以盼鄭注盼讀
班為

濟渡也濟成也濟益也
所以廣異訓各隨事為義

渡者說文云濟也廣雅云過也濟者詩匏有苦葉傳
及檀弓注竝云濟渡也省作度方言云過度謂之涉
濟郭注猶今云濟度楚辭惜賢篇云年忽忽而日度
皆借度為渡渡以過去為義也○濟又訓成者成就
也就濟聲轉樂記云事蚤濟也祭統云夫義者所以
濟志也鄭注竝云濟成也詩載馳傳濟止也止亦成
就之義○濟又為益者益饒也多也又增也增濟亦
聲相轉左氏桓十一年傳益請濟師於王文十八年
傳世濟其美竝以濟為益也詩旱麓
傳濟濟眾多也眾多亦增益之義

緡綸也
詩曰維絲伊緡緡繩也江東謂之綸

綸者釋詁貉縮綸注云綸者繩也詩言綸之繩傳綸
釣繳也緡者說文云釣魚繫也詩何彼穠矣傳緡綸
也正義引孫炎云皆繩名也史記平準書
言緡錢酷吏傳言告緡緡皆錢貫之名

辟歷也

未詳

辟者釋詁云法也歷者厯之段借也說文云厯治也
治法義近辟歷聲近凡聲近之字古人多以為訓如
霹靂說文作劈歷釋名作辟歷釋采帛云并者歷辟
而密也然則歷辟歷俱以聲為義也說文厯从秝
聲秝讀若歷又彛與辟同而訓治厯亦
訓治是皆義同之字以聲為義者也

滌盥也

滌滌出涎沫

盥者與漉同滲也素問瘧論云無刺漉漉之汗王砮
注漉漉言汗大出也滌者說文云順流也釋文引李
巡云吐沫滌也鄭語注滌龍所吐沫按說
文滌从夢聲勢力之切滌盥一聲之轉

寬綽也

謂寬裕也

綽者說文云緩也晉姜鼎銘有綽綽眉壽之言卽綽緩也寬者本爲屋寬大寬亦緩也故詩寬兮綽兮綽綽有裕毛傳綽綽寬也坊記注綽綽寬裕貌也爾雅邢疏引孫炎云性之裕者

袞黻也

袞衣有黻文

袞者說文云天子享先王卷龍繡於下幅一龍蟠阿上鄉釋名云袞卷也畫卷龍於衣也按卷袞古音近經典僭卷爲袞袞訓黻者黻爲弗文取拂弼爲義袞龍有蟠屈之形示不得伸以受弼正也故曰袞職有闕惟仲山甫補之

華皇也

釋草曰

皇者莖之段音釋草釋文莖本亦作皇是也詩正義及爾雅疏引樊炎云詩云皇皇者華孫炎云皇皇

煌煌也按郭注釋草引此作華皇也此釋文亦先華
後皇石經及宋本竝同今本誤倒作皇華邵氏正義
及臧氏漢注辨之是矣然邵氏不知說文麟部所引
爾雅雞華乃釋草之文臧氏未載樊光孫炎二注皆
失檢也

昆後也

謂先後
方俗語

昆者翬之段借也說文云周人謂兄曰翬玉篇省作
第云今作昆翬同經典通作昆左氏哀十八年傳昆
命于元龜晉語云延及寡君之紹續昆裔杜預及韋
昭注竝云昆後也按翬爲兄而字从弟从罕蓋取次
敘連及之義罕从弟二體俱有後義故曰昆後矣

彌終也

終竟
也

終者釋詁云卒就終也終有充滿之義彌者說文作
彌云久長也久長與終義近故易繫辭釋文引荀注

及詩生民卷阿傳竝云彌終也按彌又益也廣也滿也徧也方言云彌合也又云彌縫也縫合亦徧滿之義徧滿卽終矣

爾雅郭注義疏上之二

孫男

孫伯愷

校字